

# 永樂大典

卷一萬八千七百

七十

永樂大典

卷一八七七〇

卷一萬八千七百七十

第一頁

永樂大典卷之一萬八千七百七十

十九款

命 諸家星命百三十二

辛巳鬼谷分定經否卦

琢玉圓珠格

箭飛星斗起寒光月照長天感

上蒼宮羽已開天賜福目前雲幕自高飛黃牛滿屋非干賺琢玉須圓取出方屬過碧天沙塞遠兒童歸去一雙雙兩潤龍生角山深虎奮威但交猴鼠上漸漸見光輝天貴天壽血妬此星照命將相扶君之兆文武侍衛之星爵祿自然亮惡不侵明憲淨凡受業琢磨有記性心有操持志只因心不足未允多學少成迷神在命出中有救險處人扶五九繞交成立命享安閒之福述云利名未遂心多慕濟會風雲自有期

康節前定數

如水有龍格

詩與分定經同

軍有洞龍生角山深虎奮威須防猴子七日月未光輝

宋平生若此一孤舟數次連途浪拍頭晚年福祿君還有也須榮貴度春秋

別命

否

三三

前定易數

丑

幽樸終難剖

生涯無作有

能才雖滿懷

跡失傷情厚

庭花飄不久

春色已三分

空對依稀柳

卯

香身欲舉擎雲手爭奈時來命所淹南北驅馳心未歇東西更變漸圓圓清光去屬無消息深院飛花果不賸午夜子規枝上叫雲山西路月嬋娟

巳

雲散中天靜

風清細月圓

桂騰香馥郁

浪湧色潺湲

去屬何堪嘆

凋花亦可憐

會看身後事

歸屋畫神仙

未

立身非祖蔭

別業得家宗

鬱鬱情懷悶

悠悠志氣中

酉

東籬絲繞花初放春色眩妍氣味新始覺春風生我里便飄紅日落成塵重山去鴈沉孤影遠浦鴛鴦別兩程何幸此身淘大得好歸林下教緇巾

亥

獨上危樓上

艱危脫屣空

回頭忘故舊

昂首達窮通

女命

前定易數

否

三三

丑

蛟問重重福

猴驚疊疊災

美酒樽中竭

奇花苑內栽

良駒足損步

貴客意中猜

借問前程事

宜將愁眼開

卯

綉幙春風捲 朱簾愛日快 操心母失奔 到底是英雄  
目送孤鴻遠 情歡樓上紅 年未多倒錯 好事不不同

巳

計業甚滿條 情深恣意驕 鼠羊無可撓 秋雨任飄飄  
閑悶多非是 前生分外招 回頭終有益 享福足逍遙

和

素望江濱客 心思意未濃 生平有如是 終久福未連  
驚支聲何切 蜂兒陣火蹤 雨來舍水滴 風撼捲無形

酉

屋角蜘蛛網 千般巧計成 回頭觀峻嶺 明月雨開晴  
孤苦何堪說 平生事不明 羊來回吉耗 馬退得安寧

亥

海水無涯遠 人心有準繩 謹持忠信語 無祿也豐盈  
有果紅枝上 成家望貴迎 馬退得安寧 無祿也豐盈

四字金

卯 秋風飄柳 臨潭下釣 披雲望月  
酉 井鱗入海 黃菊耐霜 登樓望月

郭璞數

斷男命與前辛丁同 斷女命與前丙乙同  
辛庚恩谷分定 龍蛇波浪格 水畔張弓射底魚 龍藏深窟

生何事足晚景自從容

天刑 天孤 鸞鶴 此星照命一生勞心費  
力般般自向前件件自理會別人做過事須是自要做不信別人自是自

直作事持重言不妄發安須少煩惱

多閤中尋靜靜處不安聞命招性物  
妻須命硬山中有救遇險無危迷云

一生勞心非燦爛

遙空輝晃照天宮  
康節前定數 龍池波浪格 詩典分定經同

男命

初時命運未離也 行路繞通喜色勻 休嘆利名歸我晚 終須立業舊成新  
篤壽沙暖情何因 鴻鴈天邊叫 頻頻莫道枯枝難 結果東君留意更慇懃

前定易數 履

節操非因學 聰明豈在書 登雲攀月桂 涉海釣鰲魚  
朔風吹去馬 秋水落芙蓉 擬看白頭日 妄然任所居

志氣強存在 衣冠舊不同 人情隨好惡 兄弟各西東

祖業非身有 生涯倚主翁 前程何處似 雪裏獨青松

辰 寅

牽弓未射鹿

中正隔江波

莫嘆此間失

依然入網羅

馬聲蹄塞外

花影亂苔沙

騎虎跨狼日

拚愁且樂歌

天意無私覆

人心自不同

利名徒往復

財業墮初中

鴻鴈蹄飛遠

花枝遇別逢

到家榮晚節

卜宅兩山峯

楊柳枝頭春色動高山峻嶺雪方消人心懶處成家苦馬力疲時知路遙

鴈起孤飛南嶺外花枝重結故園嬌翻來覆去何時足名利如同海上潮

女命

前定易數大畜

三三

孤苦多端事

清閑心自明

守閑終有厄

待母別客情

借問幽悒事

宜當萬里亨

若迎名利客

福祿足雙榮

春至枯枝綠

安心守綉幃

月明聞鵲喜

風靜看蜂飛

貴子終須在

良人胡不歸

鼠羊名利事

福祿兩相依

塵事紛紛起

名和利未全

偶逢佳客在

何況貴人牽

莫使情懷亂

將成美譽傳

良駒能駿足

同共入西川

孤介不堪嘆

危途立舊基

貴人全不問

奇子畧相期

權握惟心巧

生涯在貴持

羊猪當顯發

須信福無虧

申

否極泰須通

危途道再隆

當圖黃閣貴

須守白頭翁

估恃宜先弃

恩情斷不空

前程何必算

因福逞英雄

風雲合處足英雄碎事煎焚反覆中綉幃默坐定哀挽情性溫和福自逢

四字金

子 驚蝶穿花

寅 魚樂下釣

辰 雪月青松

郭璞數

陽局險雲

日雲中

財喜

事

雙鴈

花柳

鏡

心性

性乃了了是事便晚一日雲中影落西一輪孤月散清輝一池鷗鷺雙飛

去一對鴛鴦兩岸飛 一陣狂風帶露花一舫風浪去無涯一雙鴻鴈春

雲去一樹紅梅景色佳 莫嘆平生志未伸重山有路到蓬瀛成中防敗

支吾過萬里秋風快去程 為人磊落多機巧事事遍諧多計較交情春

屬畫圖看識破矣涼回首早 鴈行相並闊高低字映秋空失伴飛接得

蟠桃春後子枯枝再喜發芳枝 一貴遠望一鹿回向好个前程榮華氣

象 狀水落花數 花落花開只為風月當照處被雲籠情知畫餅外頭好

胸次黃犀內不通 接得蟠桃逢已月至秋松栢傲深冬直須伴伴親經手

收拾春風狀晚紅 流年雁虎尾啞人山謀事難成半憂半喜財莫速出

無利息求財望事始艱幸祿向前程遇貴人川火動時人哽咽鶯啼鴈過  
醉醺醺 一人捧卷出門外笑喜喜一錢堆有燕雙鴈入雲飛 關事莫  
管免相牽絆喜去憂來一場鬧亂 高人暗裏為栽培兩處文書入宅來  
鷄逐鳳飛隨變化歲寒只見有江梅

陰剛春晝空閒日月長桂枝又喜發新芳數逢弱地終超達多改多成事  
不祥平生作事多悔怨付托愁腸換一半親姻好處又成疎多少營為未  
如愿 運交中數福方來五五年中春意回做作事謀添氣象夫榮子貴  
主資財五宮莫嘆花枯槁中限主來非老老穩坐人間快活婆探得那時  
消息好 女流年數逢絕處早修禳忽覺身心細內歲春水斷橋無渡去  
百花杜宇一聲忙 哽咽意尖秋夫愁子伴憂蒲香榴綻楊花白牛女相  
看淚暗流 杜鵑啼處亂梅黃榴菊花開開一場蝴蝶夢中分散遠麻衣  
顛倒意忙忙

○辛辛鬼谷分定經 乾卦 石上芝蘭格 頑金煅冶方成器石上芝  
蘭根脚異速塞孤鴻飛不歸群群飛上丹霄際春來花發滿園林未秀多  
應時未至百年枝上半青紅白頭應作蓬萊喬過鼠天應祿逢丁必惹災  
鼠牛羊內發一舉上高臺 天蒼 天因 料秘 此星照命不受祖業

之物全憑天地之滋生如日升東漸麗北海笋迸新芽不久成竹魚遊深  
水變化非難好个根基只緣迟神重重習襟磊落作事迂回迷云

桃李花飄度 枝頭綴菓多  
康節前定數 爐冶煉金格 詩與分定經同  
中 遇甲承天祿逢丁必見灾鼠隨牛首發直上鳳凰臺  
末 平生機變太惺惺只為孤權少稱情崎嶇造物多磨滯利名中未始方成  
男命

前定易數 乾 三三

丑 幽懷志氣衝霄漢爭奈人緣命所淹親眷半途零落盡祖基強計不周全  
庭下花枝和雨落沙頭鴻鴈自孤眠借問前程歸計路秋殘果熟一枝鮮  
卯 平生志願何時足直至鼠羊方見鹿良匠斧斤琢器成終見崑山有奇玉  
風排鴈陣勢縱橫雨濺花枝色難續戒君得志不須貪財足疑惑恐逐覆  
已 晚歲蕭條險復難初時立業勢如山栽花庭畔還開落逐鹿山頭似等閒  
風撼鴈聲空嗷嗷雨添深澗水潺潺百年太半成何事不若留心雲水間  
未 若來觸處花爭放唯我枝頭尚寂然莫道東君思未發自嗟恰值雪霜天  
鴈陣空飛三兩隻桃花熟菓一枝鮮親知骨肉應難料天使身歸別處圓

永樂大典

卷一八七七〇

卷一萬八千七百七十

第五頁

高堂華館鎮重墻，偶爾相知入貴鄉。唯喜目前人事樂，直知身後福難量。  
鴻飛江上難留跡，花放枝頭有味香。志氣過時須待用，英將弓矢亂施張。  
莫言昔日與今時，昔日今時事漸奇。春到園林花爛熳，秋殘霜露葉枯枝。  
風撼碧波驚侶失，月明良夜鴈孤飛。休言得失渾如夢，合到中年福自虧。

女命

前定易數 成

三三

一身孤苦守高蓬，兩處成家不見蹤。敗殺時來當度失，優游無計恨何窮。  
枝綴果危經驟雨，身安懷裏被狂風。若欲好兒終見克，依然明月被雲籠。  
昔與今朝事不期，今朝昔日甚稀奇。春在園林花自發，秋深雨露葉摧衰。  
月照幽閨情緒喜，風翻翠幕未休吹。莫言得意渾如夢，直待中年福不虧。  
志氣才高量亦高，機深慮重却波清。一心恩愛終離別，百計生涯恐不牢。  
已 何況鳴鶯聲不樂，遙看乳燕語切切。若遇辛勤免灾苦，平生無樂有煎熬。  
未 立計意尤甚，誰人為掩蔽。累曾違口舌，先慮見官方。  
老婦空花貌，嬌兒無桂香。羨他桃李色，年少發叢芳。  
志氣方成立，運逢子午交。所為多寂寞，行李甚蕭條。  
酒 內外俱相勉，夫妻兩不饒。被人懷少恨，携劍路傍邀。

亥 朱門雙掩日光揚，萬里恩波福自昌。重重吉事相隨逐，兀兀佳期掃遠方。  
枝綴果奇通漢苑，官榮祿顯取南商。只愁晚節隨時變，孤苦奔馳遠離鄉。  
四字全 丑 畫餅充饑 卯 卞和泣玉 己 更幾望月

郭璞數 陽局庚辛人富貴 壬甲飽文學 一人卓立 雜祖 執柳  
孤 龍登涉 屬 如意莫言木遂令翻稱意 謀望 琵琶斷絃 鏡破  
重圓 性 有世患性 自宜把定 莫怨孤辰 前程平正 一生心性

自清高一屬孤飛，遠涉勞一段因緣。幾會說一家春色綻大桃，一喜又  
道疑一官未過時，圓中防有阻。樂處又生悲，五行安穩好。磁基勞力勞心  
遂意，遲可惜。早年孤尅重，至今作事尚。顰眉琵琶清冷無人問，秋雨梧桐  
總賦詩。平生心性誰能亞，自謂希夷等。聲價竹梅林下影，蕭條連理枝。  
頭緣分寡。芝蘭木許早分芳，趁得三秋桂子香。化為龍頭角，現高人  
着眼廣寒卿。獨木連春教過貴，相提必有時。平生剛毅比夷齊，山高步  
險千尺獨木連春地，步移馬叫一聲搖。影落鶯惟難保百年期，直須蛟  
馬相逢處，使是青雲萬里奇。流年金 卓立 財 田土 事不足  
灾十五 灾禍至宅人不足 福早積 無事一闌 田土一弄 正好

經營福自然只防川火兩相煎堂前人醉梅花月寂寞朱扉噪晚蟬 忽  
 防不足惱人心腹空調鳴琴彈傷心曲 他人事莫向前荆棘路恐干連  
 財在石皮呼風舞海棠眠 嗟過今年災禍少一點福星前面照滿堂和  
 氣襲人生利祿榮華事無了 花帶雨偷眼喜恨公言犬雙嘴進些田增  
 些錢善保守勝常年 一卷文書兩翼飛黃花時節笑嘻嘻白頭人看梅  
 中雪紅粉佳人望綠衣 雲散長空月影西高衢謀望過吹噓堂前人看  
 墟煙和門外垂楊發舊枝

陰局 斷與前戊壬同

辛壬鬼谷分定經 松卦 層霄月朗格 骨格輕盈如婀娜清風滿徑  
 任教吹良霄月朗天光碧在路行人未得歸借問嶺頭花發未靠鴛鴦語  
 喜還悲平生進退多危險晚景匆匆福自宜門戶慶東時麻衣換綠衣馬  
 頭人着力應事見光輝天憐 天銳 天鉅 此星照命乃惡劣之星人  
 命值之君子多福常人帶疾添財減土成敗不常先憂後喜破了還成心  
 性不常大寬小急性或直心或焦妻硬相宜子運到老九五之後方得立  
 成人家迷云 甜苦重重語歷過方知晚景祿優游  
 康節前定數 青霄月朗格 清涼雨過枝娟空裏寒風四野吹雲霄

月朗天光碧去路行人歸不歸嶺頭花落經霜雨設有春光花無語鴈鴻  
 江上楚雲飛歲長多是踈親侶

中更去前程三五年一載自安然騎牛漸覺心間泰甲午之旬上碧天  
 末嶮阻艱辛盡經歷好處機關多拙失休嗟年少苦撐持晚景自然成福吉  
 男命

前定易教 松

三三

子 得則成權失則悲年未半症半如癡終知損去還成益料想天公豈有私  
 鴈去還空飛不及琴調別韻識音知春風設有花如錦問道秋來果幾時  
 寅 紛紛春色物鮮華上苑風光景莫加豹變南山添羽翼揚北海換鱗牙  
 孤鴻兩雨穿雲去舊歲枝枝帶雨拖百事到頭終一失早將生計卧煙霞  
 辰 硯石歲珍惹匠琢器成先用立規模時亨何假人來薦天賜聰明豈在書  
 自嗟鴻鴈一無侶堪嘆鴛鴦兩不如莫厭利名逐典晚終須溫飽樂安居  
 午 灰心泪沒幾經秋意氣情懷未足酬得尤不由磨鐵硯途猴何必懼焚舟  
 高飛鴻鴈一行遠艷色嬌花兩不榮更指貴人相引處便施闊步上高樓  
 申 虛心悒快生平志意向須高碎事煎堪嘆利名頻得失料知親眷不周全  
 長天孤鴈悲秋去晚樹庭花帶雨鮮借問是家家本是不知歸去隱林泉

戊 半成半失主生涯辛苦酸力未加險難重重愁不散憂危叠叠事堪嗟  
親知好似天邊屬名利成時雨裏花借問斯人何所似身歸南北兩邊家

女命

前定易數 大過

三三

孤寒妙選出群蹤爭奈憂煩若兩鋒重重喜恁須能至渾渾光華必鼠通  
子 朱簾半捲宜安守綠幕低垂在未中堪羨立身終有後雖牛窟裏異形容  
天然緣分事非虛守節幽閨必自孤無限眼前去事幾多福祿有還無  
寅 鼠尾羊頭消息好高樓青眼盼吾軀陣陣清風時入戶依然晚景發前途  
立身既向江鄉遠早晚塵埃入綉幃箕箒辛勤推我立金釵不墜守空閨  
辰 可冷命塞運如此預知它日失提携好把身心思進退不如潔已九泉歸

午

舉意五前程 孤離恐不成 安心存孝義 晚景畧亨榮  
雲容舒青眼 因緣結遠情 寂寥無一事 杜宇枉哀鳴

申

天意無私曲 人心事不同 笑裏多反覆 福祿趨初中  
綉幃風徒捲 朱簾日日紅 到頭榮晚節 立計在高峯  
堪笑此生榮 機謀日日成 嶮危知自有 福祿晚來亨

戌

佳客隨雲馬 良駒逐老鶩 若逢難犬至 安享自岬嶽

四字金

子 帳裏梅花 寅 寒谷栽花 辰 屋下藏金  
午 枯硯磨煙 申 曲巷推車 戌 破缸載寶

郭璞數

陽局 清曠清職 好源流 非福祿 書

望

名孤 怒 刑名原實府庫光 富石崇貴陶公 一靈堂前映雪光

一舟波浪去茫茫一翻好事驚人處一夜寒風與異常 山上重山望故  
鄉利名尤寄在他方誰知造化嬰兒戲富貴終還有分即 一半逍遙一

半艱難回惆悵幾問州家庭多少紫心事獨自支吾未得閑 性道清高  
多質朴勞心勞力能把年回頭只見獨花開一屋人孤春寂寞 源流好

處水邊緣早有成持過貴賢向上規模君穩着休成失錯恨綿綿 停帆  
待風數半為艱阻半從容好事停帆待順風別淚未乾重躑躅心神不定



未西東水邊探得源流別不向區區碌碌中習氣太高休問下他年造化  
有難同 派年防算弄 事如夢 謹防他 方通用 事事事 收分

晚 成不成 了不了 田土上交加牽連有支避自家事心未穩防喫  
跌莫漏泄 鴛鴦之事縹緲之中 數限今年可早讓紅行浪裏事茫茫

羊行虎道踏迷犬榴花三烟亂一場 暗裏提防二尾牛行藏謹慎可無  
憂春風桃李添新恨秋兩梧桐惹舊愁 一人酒醉一人清新等雞入籠



怕蛇入井馬洲冷落一屋人忙外事顛倒門外彷徨

陰局困龍久蟄未逢時隱水埋頭未得知一遇雷聲驚起處與雲布雨出  
天池 平生計慮多翻覆說着愁人心不足通亨猶似未亨通跳出風波  
方是福 根基其道不如今細數行年有好音三十風光誰共守移根換  
葉少知心 未一段喜去一段愁香蘭滿地福優游末年須滿平生願只  
恐滔滔不到頭 女流年夫併妻兮妻併夫令人如醉要人扶鳥鳴花落  
人憔悴鏡對鸞鳳亦二孤 心切切意凄凄白頭堂上雪花飛牛郎掩面  
東籬菊嫩笋風搖竹一枝 喜喜憂憂雙口犬更防二尾一頭牛 鴉聲  
非吻  事 細 軋 災 馮分 刀砧 

○辛癸鬼谷分定經通卦寶知重磨格吹毛寶劍金剛樣塵上經年暗未明  
合遇貴人重拂拭雪霜紫利自然新江邊三鴈飛沙遠樹上花枝果亦成  
幸有陰人相接引春雷繞動馬嘶聲無根濃葉滿地堆蓮花出水望秋來  
逢牛必定成權貴跨馬騎牛大路開天福 天將 天却 此星照命乃  
榮華之宿富貴之星生來無苦衣襟自然有操權有智慧有鐵基有變豹  
有靜性有剛斷作事先難後易所為十是九非繞逢難充之年定主妻榮  
子美述云 一生災難處 鐵基進益多

康節前定數重磨古鏡格 詩與分定經同

中無限風霜花木開池內蓮花秋後裁逢羊必定橫權立跨馬騎牛急舊史  
未莫美前歡與舊愁月明雲捲未全收等閑掃盡無餘障自有高人引路頭

男命前定易數 通

三三三

丑 生計紛紛苦慮休幾回歡喜幾回愁常將吉事成拋棄繼到中年祿始優  
鴻鴈飛時群偶失花枝謝後果無收生前祖計非吾分自整衣冠入鳳樓

卯 論來業計當遠變進退休歸意不寧莫謂利名長久處須知灾禍負前程  
舊園花謝新園發失侶鴛鴦喚侶聲若問根基真渺薄紛紛柳絮逐風輕

巳 千載蟠桃猶未熟摘未入手不依時幾年費力無成就晚歲方宜立所為  
雞鼠同群名可望鴛鴦二物有分離若論塵世多成破只許逍遙脫是非

未 施權立業孤無輔勞思索心計是非飽食安居他日事當知強識早年時  
檻前花朵何哀謝天外鴻鳴各自飛借問晴雲有跡路天中方見月光輝

酉 飄飄無倚海中舟有遇才朋不久留拙計埋身多逆意多言傷已謾剛求  
梨花漸落鶯將老孤馬飛時已失倚立盡斜陽身漸泰臨泰獨自上危樓

亥 蓬蓬無語立東風百計千謀未有功須待鼠鷄施事業便於危上立家風  
江頭去馬聲聲遠檻畔芳花朵朵紅欲決平生身後事南柯名利夢魂中

永樂大典

卷一八七七〇

卷一萬八千七百七十 第九頁

女命

前定易數 允

三三

丑初時命塞未亨也早離家鄉景色新莫類六親為外倚且扶一已過三春  
檻外清風香透鼻閨中明月影侵身堪笑果生奇特處東君留意獨慙慙  
守節長潛紡機身冠釵不整問何人聰明豈在淹留久算籌終須倚櫺中  
卯新主歸來尋故旅東君留意拂紅塵一聲杜宇啣天外腸斷重牽舊福因

己

心膽依然在

冠旒舊不同

人情能好惡

親眷春西東

立針非心有

生涯倚个翁

若辱榮遇處

直待入龍中

未

天然分福自前因守節成家必立身要必今生為善事免遭橫禍及災迤  
隨時自有修為處改意終須不惹塵東君不顧津途遠魚水相逢道自新

酉

天啟新書事可求一生福祿自風流只緣孤薄難逢遇遂使前程有不同  
奇果挺然成實後良人終守落花愁一條好路如知覓安坐高堂到白頭

亥

勞心勞力守平生橫祿虛名自改更重重吉事成還破樓樓心背前株生  
閨中安穩無危難望外邀求反險傾修心度日無他事啓念終須竟不成

四字金

丑

泥塗走馬

卯

小艇入海

己

帆鳥投林

未

浮雲蔽日

酉

浪裏行船

亥

柳絮飄風

郭璞數

斷男命與前辛戌同

斷女命與前己乙同

士甲鬼谷分定數這卦 松透蓬蒿格蓬蒿直透茂松青霜雪雖深且固  
根鴈飛天外聲聲遠鴛鴦戲水失其群桃花滿苑從君摘未逢一个好知  
音若逢運到蛇羊地衣祿安然必稱情限隨羊馬發喜慶自然迎壽如逢  
九五不用問前程 天祿 天將 天容 此星照命主人有機謀有持  
畧有進濟有財帛親如不親交友難托獨自向前難為長子螟蛉庶出方  
可存留更遇馬牛錢財興盛述云

逢牛遇馬方還樂 休道年來不稱心

康節前定數秋裏栽花格蓬蒿枝節聳雲青氣直雪霜固深根鴈飛天上  
聲聲咽鴛鴦獨戲忘其群桃花落浦從君摘金子園中尚秋色陌上行人  
又不知傍人知道應難測

中壽遇三重甲安然守百年限隨牛首發人到虎非天

未平生事業困淹延機會無心却有緣衣錦貴人來接引拂開雲霧見青天  
男命前定易數也 三三

青蛇出水帶珠浮正是飛騰得意秋莫訝衣冠如故舊好為生計上層樓  
檻前花朵重開發塞外群鴻幸失倚名利成時無別慮西園景物好閑休

寅 春風謾拂依依柳 煩惱生涯難固守 事如成敗出天然 料知否極終無咎

鴻悲塞上失群飛 花落庭前果成後 指出前程事若斯 利名亨處君須朽

辰 休嗟涸沼困金鱗 行看騰身定出塵 得遇天河井斗水 化為雲雨入龍津

鴛鴦池畔無雙侶 鴻鴈天邊再命賓 赤犬嗷嗷充何說 區區大路入荊榛

午 殘紅換去綠陰成 去後生涯計業榮 平日恩深成慮恁 年來違責只虛名

屬聲嗷嗷歸雲外 鴛鴦羽怨楊花水清鼠馬張弓機 較處定教一箭立前程

草生江畔隨春綠 菊綻籬邊帶雨開 天運四時無失度 人緣何事少梯媒

申 親知好看天邊馬 生計何憂落草萊 休問前程榮辱理 利名去後又還來

玉琴不鼓久埃塵 再續朱絃整韻音 月下欲調稀織聽 風前一弄得知心

戌 長空碧水飛孤鴈 午日當空花正陰 得意氣時當晚景 一帆風送滿舟金

女命 前定易數 井 三三二 當門倚着朱扉望 不顧狂風捲繡衣 掣去半空飛或舞 回思一笑又成悲

子 舉行步步傳虛語 立計紛紛把淚脂 夙回依就無時處 方許安閑享福基

寅 兀坐繡幃中 迷塗情未通 安身修性正 得履使心聰

假鏡時未遇 仍舊福無窮 鼠頭佳果秀 舉目換形容

辰 望斷江山景 前程去路難 雖然情自遠 還使意中慳

鴈過聲嗷嗷 魚遊幾往還 有名終就實 過犬展花顏

孤苦身非樂 初年未自由 當春人自喜 過鼠必風流

檻畔花徒放 枝頭果不收 奈何風力勳 平息始無憂

柳態足嬌身 金煙喜色新 故人提掣取 貴客整精神

堤畔情非樂 窻前徒自擲 時未方發越 鼠犬遇新春

戌 生計成時用不輕 前程有分稱 心情萬事皆由天 理定一身終自享安榮

綉幕工夫還可遠 未應智量喜尤清 試問平生何所似 龍蛇出穴福來迎

四字全 子 登樓望月 寅 秋堤楊柳 辰 酒井金鱗

郭璞數 陽局雙鴈雲中 一人重山一拳 福 貴人 文書 名

二山宮百里有語 雙川莫做疑 一事踉蹌忽然生 疑事有分定喜欣

看亨榮好前程 刑着力支持 打睡向前幾 回望斷隴頭雲 幾度傷心洞裏

人幾度施恩 抱虛設幾翻 好事到眉顰 一對鴛鴦鴛失侶 一雙鴻鴈飛

芳渚 一生名利有無 問一曲琵琶天上語 平生多學事 無成伶俐 惺惺

慶動人 甘苦教嘗 諸世事問愁 空自度青春 五六年中事 不美破財破

祿尤未已十分好處便生疑黃金到手澤如水 鴈行好處不成行對對  
飛來天一方寂寞蘭房誰是侶重磨鸞鏡現清光 莫道謀生心竟頻元  
來大器成持晚春回啟蟄一聲雷驚起數年貪睡眼 仙人團茶款世事  
仙人一基局黃金入手難拘束施恩幾度變成非要好十分生不足風清  
夢轉動關山月明夜半江南曲一聲雞唱免回塘滿堂桂影穿金屋  
流年一人主謀望古憂事起喜本為喜先憂有驚兩年氣數未為奇多是  
多非事暗疑財到手未皮石去得場歡喜惹場悲 謀望今年喜不常只  
憂家宅未輝光楊花飛雪人眉皺愁喜連綿人斷腸 他人事休去管恐  
相連說長短急急人速速大上川光燒漏屋鴈聲啼過天衢顛倒麻衣  
不忍哭 靜中屋斗早禱祈保過今年始免非官府有言公莫去只宜守  
舊莫胡為

陰局 斷與前戊丙同

○壬乙(鬼谷分定經)并卦 玉梳盤北格 白玉藏珍寶靈沙隱碎金 異香安  
水際方始見浮沉 遠飛鴈千里 驚鶯戲綠陰 信如花謝後實子火中尋 滿  
屋乘天雨陰人隱舊情 猶中途光子方始遂安寧 天晴 天成 天賜  
此星照命為清風明月之星為昏迷朦朧之宿人命犯之歲機隱志思遠

慮深反覆鐵基顛倒造化只宜過房離祖異姓就贅妻遲子晚妻是年高  
命硬保守到頭子若螟蛉庶出相倍到老迷云緒羊逢克子方始得身榮  
康節前定教 玉藏墜石格 詩與分定經同  
中末且喜天生屈己仲機謀際會遇青春天公不負凌雲志自有高人卓立成  
男命

前定易數 升

三三

丑 拙養江湖莫媿憂異時頭角出潛流雲程昂首應高遠泥窟成身獨可憂  
鴻屬秋秋雙去遠鴛鴦對對喜波浮一身幸有高名主何慮他時事不周  
卯 春來如暑不如秋堪笑人生不自由故計去時終不理新榮成處許無愁  
鴛鴦美道長為侶鴻鴈歸時已失倚深悟此生知己少焉教捕鼠屈驂騑  
巳 炬赫榮來已慮枯人情多譽播當塗可伶未到東堂上已報斯人福有餘  
二隻飛鴻天際別雙頭花朵檻前阻回頭問着家何處贏得持盃老故廬  
未 側身東畔却成西借問前程道又迷自是利名成已少何言責客不相推  
依依柳岸飛殘絮雁雁孤鴻多自棲生理只教來復去不如高卧白雲齊  
酉 幾翻入手幾翻捐艱險重重肯息肩肝膽直須操物外歲寒方見耐煩煎  
一行去馬羣應失兩樹殘花果不鮮堪笑舟人太多咎榜魚未得早忘筌

利祿未時猶馬前斯人何事意悠悠平生有巧釣腸計翻被他人笑面穿  
兩樹落花成果晚雙飛去馬別群喧書生志氣高天外爭奈前生福不全

女命

前定易數 困

三三

良人意重問嬌娥花貌因何怨恨多但見貴人同去處自知業障儘相磨  
幽閨展轉身非穩綉幕低垂意若何晚來雲霧開明月一點虛心百事和  
終身自得生涯處不懼閒非閒是煎縱然未遇時人助不致灾危苦若經  
卯雙飛鴻雁來江渚對舞鸞鳳向浦遙且問前程終吉事騎羊帶底定榮遷  
已膽瓶斜插桂枝妍同坐仙宮取次看鼠至驀然登玉殿牛來平地作神仙  
未紅日山前欲影斜情懷方得脫咨嗟羊過鼠宮無欠失恩深意重必榮華  
滿馬秋回故里鴛鴦對浴晴沙這回不必多疑慮且自寬心去主家  
責人未往幾徘徊不見花顏欲自回幽閨情情虛空說緩緩心懷豁達開  
面堪笑英雄都占盡徒誇笑語實難猜也須時遇方榮貴若使貪求定見灾  
亥玉顏花貌映朱唇衣襟重重近上人縱使奔馳無大難還須榮遇立終身  
貴客同行歸粉閣縱懷掀路步紅塵東君有意何須却喜氣氤氳事事新

四字全

丑

披雲對日

卯

枯柳逢春

己

歲寒松柏

未

漏網張鱗

酉

風飄楊柳

亥

岩上走馬

郭璞數

陽局心個儻

性幾巧踉蹌

事事

雙親

有踉蹌出

二山到底歷涉難歸千萬機關休得誇說孤滿園瓜子金收拾說傷心  
一對人問健一條雲路通一文出外照一事急匆匆扁舟經過風波處推  
出中流遇順風一馬孤飛影落秋一重山過一山頭一生福祿如心願一  
段因緣惹盡愁展轉尋思世道難許多家道自盤桓休嗟未遂平生志  
如在一重山外山馬群只怕驚寒早雖是成行不到老幾多心事暗思  
量尺為孤星惹煩惱生來心地大謀高重整門風苦日勞堂上更憂生  
不足老來戲罷醉陶陶折缸造屋教一半心高一半姦崢嶸欲勝舊門  
關傍觀做作都容易自覺施為反用難財祿休嫌本濟遇更憂親者見傷  
殘雖知家活重新整一水長流別速灘流年壘引惹州縣有出孝子謀  
貴一場悲恨破些財出宜利靜裏宜焚一炷香兼布陰功保壽康得意開  
懷宜遠出一團和氣鶴華堂一場好事到勸君莫推托一段好青山困  
龍換頭角一簇笙歌鬧華堂一門朱戶一爐香一封文字青雲上一顆  
明珠掌上光一件事疑心悄悄翻來覆去添煩惱暗中文字打交加只

永樂大典

卷一八七七〇

卷一萬八千七百七十 第十二頁

為雷初不分曉 足不足一夜雨流深院前少年門外望長空白雲滿堂  
人滿屋謀望亨通福自催重山好事信音回吹嗔自得高人力喜見梅開  
又獲財

陰局虎卧荒丘失却威幾年淹困未逢時直須變態成威勢露爪張牙未  
是遲 為人巧相自機關勞心苦力未得閑一點壽星高照處莫垂珠淚

倚欄干 一段愁過一段舞琴調雅音聲楚楚華堂好笑惹愁多只因兒  
女磨難苦 卿卿有祿不稱迷堂上歡聲自榮貴東籬好景夕陽西多少

關心無着處 女流年一人磨鏡一人彈琴高山望日門內無心疑於秋  
後又疑冬小灾殃恨五官上有一人自至白頭煩惱白頭翁

壬丙鬼谷分定經既濟卦 猿戲叢林格  
柱倒人扶起 輪推仗匠圓 馬飛沙塞遠 有意合天心

命有重榮晚 花開兩果鮮 馬頭逢見犬 牛首換弓弦  
地遠三十里扁舟泊小溪貴人來舉用連且上天梯 天厨 天柱

天霞 此星照命乃遊懸之星犯之志性乃見遠機深難觸犯不喫虧易  
嫌消不妄相不利東南得來西北貴人提携一段財物却有奇作事可然

面前背後多招不足迷云 名利成就何時晚 只恨初中運不通

康節前定教逢春接木格

詩典分定經同

中地遠三十里

舟停碧岸邊

貴人來舉荐

龍虎上青天

末十磨九難到今朝成敗勞心用力遙秀氣但知康且健晚年凡事喜堅牢

男命前定易教 既濟

三三

生涯一事不看管成破多勞意不寧志氣廓然超鼠子利名偶瀛出龍程

鴛鴦浴水雙飛散鴻鴈悲風兩處鳴君壽始終猶不足尺頭區幅短還輕

無輝幽暗實堪誇猪尾龍頭祿又加得業斯人因失馬嗟言往日事如麻

天邊嗟嗟飛鴻鴈檻外菲菲飽冶花機志莫將乘勢使臨時將恐壽無遐

雞群丹鳳雲霄志冗雜幽人何足悲鹿入天門成業計人當地戶必迤迤

一雙鴻鴈各飛去兩樹桃花一果奇甘味瓊瓜生苦蒂回頭何必恣親離

生平肝胆用高拳機志能為心未然羊子漸成財浩浩鼠兒終入福綿綿

鴛鴦戲劇情多合鴻鴈飛時各隊喧待得園林花爛熳不堪風雨暮春天

前程一段美團圓好似胡塘堪碧天銷鍊幾多憂意事收成無限稱心田

芳花開處果難實鴻鴈飛時侶必喧借問鼠兒人去處風波難濟覆危川

孤跡初來歷險辛前程須信有成身一生心事求多計須識懷疑好出塵

兩隻鴈兒分散去一枝花朵艷重新雪埋霜合群枝削方顯庭前老樹春

女命

前定易數 遁

三三三

子艱勞曾越巽層山不做躋攀步履難縱鏡便盡千般計如何能得一時間  
 孤失重重離祖業愚頑處處改愁顏一生富貴無由見不若收心曲樹間  
 寅前程未遇貴人卿且守孤幃度日長風光易去催人老時景堪歎欲斷腸  
 寅果枝林托終身計鴻鵠難憑晚福昌思量得後潭如夢早早持齋禮梵王  
 辰百花獨讓嶺頭梅嬌態很香事裏栽春去冬來時未遇高知世事暗難猜  
 辰一雙蝴蝶空迴繞典對遊蜂獨往來半至鼠窠方得地愁眉舊鎖一齊開  
 午冠釵重整少年容穩步金蓮綉綉茸山前大貴未迎接心下詳思時運通  
 午懸懸作禮傳消息榮顯無災之異功鳳樓半捲珠簾靜遠望金釵錦帳中  
 申經年半掩綉幃衣當面施卷心下思花容或盡少年貌美態嬌婉正得時  
 申終竟榮歸安靜地遇天雍容事可知福至自然衣祿厚安心穩步踐佳期  
 戌收心守洞房 立已保時常 改圖當喜氣 重整却榮昌  
 戌牛馬時還遇 衣資在外鄉 東君相顧處 平地見安康  
 四字金 子 雷火行程 寅 秋葉飄風 辰 泥裏鳴琴  
 午 春後牡丹 申 寒蛩放光 戌 枯枝生花

郭璞數

陽局一人立

一馬

一日

一月



貴人相扶有財

有祿盡祿盡福只要心足 两个堂前人善健一雙堂下彩衣班鴻鴈一  
 雙天欲速駕鴛一對沼中間有分衣衫活雨露無情收拾舊江山 高人着  
 眼事堪為美遠閑愁皺雙眉語到進時防石碍江橫阻處惜舟移 莫道  
 勞人未得閑機閑運用幾曾安青春來到愁中喜到裏摩梭事事難 堂  
 前尚有雲遮月對對歸鴻雲外隔自家卓立好門風編在花開秋後白 龍  
 蛇變化在風雲水暖桃花二月春跳過高門三級浪作霖為雨慰斯民  
 大冶鑄金教鎔金大冶鎔成器幾度成模不容易鶴鳴聲高獨向枝屬宿  
 蘆花不成侶狂風變約在牛尾親愛是非招妬忌鳳樓月明照閣干此時  
 方得真滋味 流年一事疏疎自然生疑榮華別是一家春改革規模氣  
 象新玉勒金鞍嘶寶馬鳳嘶書報玉樓人 忽有災疑動惆悵驚人夢火  
 上一川來杜鵑聲裏聞 雙雙鴈字越西風財喜臨門福更濃從此亨衢  
 生喜氣前程榮顯自亨通  
 陰局 斷女命與前甲丙同  
 壬丁鬼谷分定經比卦 鴈宿蘆葦格雲收月出大中淨雪壓松筠翠轉  
 堅雞叫牛邊聲未歇鴈樓蘆葦竟艱眠平生志氣無人識馬去羊來意向

便報道龍蛇消息好弓開箭發盡天年 天遊 天靜 天鎮 此星照  
命不耐靜猶加被雲遮鏡成塵土如甜瓜香從辛苦裏來甜向苦中生六  
親如水炭兄弟若流波在家煩惱大出外笑顏多只宜出外求財不利在  
家作活分憂人少吞食人多之命述云

自有根基在 何勞事不成  
康節前定數雪壓梅梢格 詩與分定經同 春殘留幾朵 偷却半枝歸  
中逸樹桃花放 狂風徹夜吹

末鑿石求金費琢磨繞遠源處迂蹉跎嶮阻風沙皆過盡前程顯達利名多  
男命

前定易數 比 二二三

維持家政藉君狀正是剛腸大丈夫自是命中多坎珂爭知日後定紅朱  
克先必許君成就鴈侶總教自遠跡更問後來榮辱理持盃消遣老身軀  
操機用智不辭勞天賦聰明在爾曹道塞足疲須忽就功名遂不為逸  
一行去馬飛何遠兩朵鮮花色不牢持得免蛇歸去後水平蕩地起波濤  
已 個儻冷君志 危穴早歲逢 家聲羞未振 克穴喜方濃  
問鴈多中少 花枝飽慶空 龍蛇來往日 門第有豐隆

未 海際無涯萬里岑蓬萊方丈古同今鴈群悲斷衡陽浦雙蓼交哀歲月侵  
蛇鼠宮中逢喜色名利一途幽路心君家試問歸身計碧水青山與未深

酉 秋月遇雲開 望圓逢美才 仁人中得路 巧業信奇哉  
鴈陣聲喧速 鴛鴦美粉腮 惹還斯難脫 好笑福重來  
冷落君陰厭 否中須泰來 利名隨克尾 織宮逐猴腮  
有鴈分飛速 逢花擬兩開 責人相引處 如意樂高臺

亥 女命 前定易數 否 三三三  
早棄舊家風 酒當離先祖 雖然衣祿榮 不免多辛苦  
未見果垂枝 低心待夫主 比和尤可安 福至當榮取  
好事被多磨 身心勞若何 不知時事變 惟日受奔波  
自依孤遺早 深思患難多 龍來為好處 依舊足歡和  
一段風流事 今遭枉理虧 若逢雲外客 不致苦乖違  
魚被水相濺 鶯嫌柳暗迷 不知尊路去 安得免灾危  
獨守孤幃裏 誰知玉淚垂 有君君不遇 落果果稀奇  
桂魄當空照 魚兒出沼窺 前程衣祿足 立志守良時

巳 卯 丑 未 卯 巳 未  
魚被水相濺 鶯嫌柳暗迷 不知尊路去 安得免灾危  
獨守孤幃裏 誰知玉淚垂 有君君不遇 落果果稀奇  
桂魄當空照 魚兒出沼窺 前程衣祿足 立志守良時



變化機謀重

金箱好梯媒

清涼風拂面

漸覺笑容開

鴻鴈歸心遠

鴛鴦得意回

衣祿知歸晚

俄逢七寶堆

春光蕩漾休虛度操畧剛強智更明淹淹未稱勞心早得待運須晚歲榮

生享高樓身始穩因緣有福果芳馨莫言前事蹉跎了絕遇賢君便太平

四字金 丑 積雪成山 卯 更殘望月 巳 月宮捉兇 未 梅花雪月 酉 日影穿簾 亥 危樓望月

郭璞教 陽局刑 父母 兄弟 書雲中 拳 一責人護爾身

乾坤半嶺白雲間鴈入蘆花白雪間翡翠衾寒楊柳兩雙雙利祿自回還

斜月半邊光平生柱香功名還有分姓字十年楊 蜘蛛結網傷連

雨費盡心機又再張 平生磊落性玲瓏作事機關件件通和氣襲人春

滿面犯家營業有成功 雙親可惜無絲守骨肉早年難保守雙雙鴈字

別秋風再整琵琶重換酒 整換門庭別一家春風桃李自開花前程好

處知無限一段山川景更佳 負重登山數初無運智苦難施竭力為人

是變非負重登山辛苦恨做成家道未光輝尊卑親誼如冰炭嗣息妻宮

亦要遲自是身中多進退蛟龍相會脫愁疑 派年憂不成謀不遂在家

速財枝利宜守舊莫更新宜忍耐事驚人睚兩年勝如今 行年氣數勝

常年祿健紛紛馬走前雙燕呢喃傳好信一池清水綻紅蓮 得意秋風

一躍高臺喜笑出蓬蒿文書重責當重棒角畔逢牛掛一刃 福從天外

降財在地遠求出外還無阻聲名百里聞 三春防財走文書沒分曉

君宜謹慎過今年剛是開非莫向前石共皮遺財救慮家人開闢火三烟

文書分曉不宜曉事到交前了不了只宜忍耐不當為杜鵑聲裏犬雙口

連年氣數尚淹留謀事當成未見周着意向前成人敗到頭幸苦費機

謀 恩成怨事多變怕外人莫和勸 斷女命與前甲戌同

壬戌鬼谷分定經塞卦金玉滿堂格江遠馬陣聲聲遠孤隻飛來野岸中

金玉滿堂誰得意一枝花放暗香通春未滿茫茫芬晚百歲枝頭一點紅

借問馬頭消息好箭未蛇上必成功過午登雲路逢牛度險堤命逢雞犬

上平步上雲梯 天寶 天主 天財 此星照命氣大心慈剛性志廣

開管翻成不足不平處須要開言好處成悲思中生怨六親水炭兄弟無

緣好事多磨弄巧成拙迷云

從前多少關心事 五九繞交事業新

康節前定數金馬玉堂格塞空鴈陣雙雙過孤隻飛飛晚岸中金馬玉堂

雖可立一枝乾發一枝空青春滿地紛紛綠百歲臨梢半朵紅借問馬頭

永樂大典

卷一八七七〇

卷一萬八千七百七十

第十七頁

消息好箭橫中庭必因弓

中見世登雲路 逸躡履險橋

命途難與火 平步上青霄

未命逢吉惟福神臨只見初年不稱心中歲可求名與利晚年多壽與多金

男命前定易數 卷

三三

高臨情懷氣鼓鐘洞觀萬里秀心習利名到處休嫌薄人事未時莫恨叢

子 馬叫碧空休望馬紅芳上苑又逢紅平生此理多未佳亦馬群中路又通

塞空馬陣雙雙過孤隻飛來野岸中得意直須逢犬馬揚名終是到牛宮

寅 園林且速優游志欄檻空開爛熳紅晚景忽逢羊路險遇來成主馬前功

辰 生涯多志緒 得失在天時 馬首榮名利 獸頭度險危

馬兒聲漸遠 篤侶又何之 自有清閑地 安身晚更奇

美子營生異 何須變祖基 起家山際樂 得意馬前機

午 聲叫空中馬 花侵水畔枝 平生情不薄 喜慶却成悲

平生志氣嘆蹉跎且逐悠悠歲月過一旦仁風蹄馬首自然營業得人知

申 分飛兩馬寒成伴爛熳雙花意自多象忘冷石能克已時時贏得醉中歌

青春氣象優 何事却惟愁 亦為情方糾 青嶺石利枝

戊 馬聲飛自遠 花承鏡相留 如逃羊脚險 重喜發牛頭

女命

前定易數 萃

三三

後使塵勞事漸通區區兀坐繞幃中堂前莫望多情客心下休思得力翁

子 梁燕呢喃留意語林鶯寂寞厭花紅到底衣多財多分定尋君隨分入西宮

寅 一軸情書付與離燈前覽罷自稱奇守得木邊多義子方知戶內有心思

曉遇黃龍難顯迹若逢白犬少威儀黃金房內優遊步早晚成家主福基

辰 左邊成業右邊失爭奈時乘事本全西北清閑心未歇東南更變漸團圓

畫梁歸燕留消息深院殘花果不鮮可恨此身無穩處幽窻空對月嬋娟

午 從前情性不能寬更遇微灾儘自前早過東君消息穩終須果結向枝懸

鴛鴦情合多和美魚馬相同各隊嗔出戶便逢妍媚景方知身在暮春天

申 早生膽大志高強貴客相邀入故鄉羊首施成木祿足猴先必適桂枝香

白玉堂前人必樂黃金屋內月生光前程自有生涯在無慮灾危入洞房

朱輪慢碾入王宮堪羨時來祿早通花貌含羞誰敢慢朱唇不展少年容

戊 絃管聲音情意美笙歌語話樂融融誰信前程有如此命裏遭逢定不空

四字全 子 鷹宿監田 寅 沙地栽葵 辰 曠屋安眠

午 林裏鳴琴 申 月照寒潭 戌 良馬陷泥

郭璞數 陽局事事向中忙 有多事辱起來生瘡刺財一堆錢差排點檢  
 有多般鴨子皮肉身經看 一屋儘好榮華成家刑多少六親命裏無  
 緣妻與子尚難有出看 二山城機關做得就缺門限祿白底嚼花天仙送  
 食田成也有破也有這家送成白子夕陽無限好可惜近黃昏 雲滿乾  
 坤不見天水連沙塞馬雙聯一生家事擔當重一段孤刑也是緣 剗除  
 芳塞費工夫一屋親情有若無滿徑春風綻桃李下稍當責百年妖 做  
 得驚人事幾場雙拳自奮獨承當規模弘遠誠堪美力辦心堅未易量  
 過得中濤紅反覆每秋波浪生榮祿孤舟短棹費支吾莫怨如今眉尚蹙  
 不求名利也榮華恩愛交游總是花心事無愁吉不盡孤燈斜月照窻  
 紗 滄江飛航數手段掀弄弄虎鬚親經龍穴探驪珠親情傷損須當忍  
 無分融和樂有餘險阻艱難都歷過幾翻風浪幾翻度直待中年風景好  
 春風桃李在桑榆 流年驚一驚脚手可驚人憂一憂事嘆可休休 事  
 事無聊難捉摸忽有一場慮梅子黃時兩悲喜疑未成傷春聞杜宇 羊  
 猴公言猶雞口甯若得便宜便好收起 門外事不美堂前人欠眠十五  
 女掩面日暮景凄然 限數今年雖有財營謀着力自和諧家人賸昧宜  
 祈福免得陰人小口灾 蒲柳醜醜練楊菱花高照水禽忙他人間事君

休管靜處燒香免禍殃

陰局數達利祿好難言自是前生女状元心巧性靈非俗比形端貌正自  
 天然 經勞自手便成家耐得辛勤度歲華運數未齊休懊恨前程自有  
 好生涯 一場無事一場憂滿樹花開景易休劉阮難逢為伴侶玉山硤  
 裏早回頭 雙山一厄片雲照月馬過危橋車來漆缺 燒炷香早修禳  
 可將好事作津梁但願陰功重救護免教行客見恓惶 女流年調脂傳  
 粉本無心脆外花開夜雨淋驚鏡拂開人失伴教人無奈更沉吟 見喜  
 不喜無灾有灾但憑陰德免有悲哀  
 壬巳鬼谷分定經中孚卦屬度衡陽格海闊無涯萬里深蓬萊仙島在其  
 中鳳聲暗度衡陽遠鴛侶雙雙逐晚風月到更闌天味淨秋風颯颯樹頭  
 空君家若問歸身針蛇到龍宮事業隆箭發從空下龍蛇必換官貴人相  
 接引方始見亨通 天波 天誣 天快 此星照命能粧點會施為主  
 志孤高見識遠大作事無私斷曲理直有能三思而行之却不適弄口直  
 招人怪喜得命中有救神速云  
 生來作事臨危處 却得官刑不犯凶  
 康節前定數海際乘舟格海際無邊萬里源蓬萊仙境古今聞群鴻翼斷

衡陽浦獨立高堂用碎心月到夜闌天漸碧日移山影樹方陰君家借問  
歸年計花落園中莎草侵

中外箭家中發 龍蛇必快弓 貴人來引路 方見始還終

木沙裏淘金寶漸成前程活計轉思尋誰知春晚桑榆景鶴上青霄透碧雲

男命

三三

前定易數 七

斯人恰似天邊月缺處仍前漸漸明若使身臨龍虎窟便宜家計利名成  
屬飛三隻聲何遠花折雙枝勢未憑莫要此生多雅趣宜將高致慕能程

卯雅量恰君透岳高何如蘭蕙出蓬蒿忽然羊馬相充着合使利名歸爾曹  
鴻鴈飛聲何寂寂鴛鴦交頸護滔滔更期龍虎飛騰日無限懽娛氣寵嬌

已 吟君處已不叨榮名利年中漸漸成日往月來濡滯脫家和自理欲昇平  
空中鴻鴈飛聲香池內鴛鴦交頸情更看龍蛇相會慶喧轟一段事非輕

未 雲飛月色中天靜雨過松篁色轉深雞叫水邊春未歇鴈歸蘆畔跡難尋  
平生氣量如珠玉馬去羊來興滿襟問道龍蛇消息近始知一箭中紅心

酉 散盡浮雲月正明斯人方始覺身輕馬牛會處須逢利猴鼠途中却逐名  
分散鴈飛三隻遠和鳴鴈侶兩邊情休將生計榮剛志看取軍營立異聲

聞君臨積幾時閑寧耐身心落草萊羊馬會時聲譽別虎龍交處利名回  
飛鳴鴻鴈空中見艷色花枝檻畔哀若也免難災難脫白頭逢喜更奇哉

女命

前定易數 無妄 二二三

親眷疎凋不可憑身依山外自求成遠望高峯雖意切不知賢貴若為情  
一鶴蒼然來報喜雙鶯鬧度轉新聲許我年來當遇貴終須高顯得身榮

卯 龍虎未時道必行年過時往事還成造化不教成拙計立身終有福未亨  
花落花殘難結果雲邊仙桂暗傳聲且喜晚年多喜氣東君留意水欣榮

巳 良田萬頃足隨身幸遇榮華雲外人紡幕優游安穩處玉堂和氣喜重身  
鸞鳳未時榮顯立鴛鴦浴水整衣新鼠羊必自歸金寶取意隨心度幾春

未 冬雪飄飄積大寒推窗窺觀覺心酸情知冷落孤燈下意在憂疑眉自攢  
一雙山鶴問閑語幾陣寒鴉遇遠山莫嘆此生多困苦若能放下亦須寬

酉 艱辛立計傷心處孤絕親疎夢飛秋深歸燕無消息夜靜寒蛩分外悲  
收拾衣資求鼠子破除憂慮問猴兒借問晚年歸計事不如改志作師尼

亥 生計須憑虎子成無憂無慮及吾身區區立業須當改悶悶為心不可陳  
若遇貴人回首顧必須穩步立前程杖頭一果隨時結晚福未時自免遲

四字金 丑 缺月重圓 卯 雲開望月 巳 登樓賞月

未 腰錢騎鶴 酉 枯蓮得露 亥 浮萍水闊

郭璞數 斷男命與前壬甲同

陰局玉容窈窕到薇花幹運施為別一家情懶心閑多計較門開喜色永

堪跨 鷓鴣驚影分南北且是五行帶刑尅孤星入命難主財一重

險過方可說 庭前培植一枝蘭待取清香滿院開大器元來成就晚榮

華又看綠衣斑 一重喜後一眉顰只因閑事暗傷心花鈿滿地無人掃

整頓容儀理玉琴 女流年一年四季福來臻度鵲門庭百事亨月桂一

枝今在手蟠桃相映百花鮮文書進上夫榮貴子位昌隆添喜氣只愁秋

後有些疑坐上有人人似醉 訟喜災悲女人无小口凶身有憂口舌事

多田土破財

士庚鬼谷分定經節卦換骨成仙客格四海為家本是家西山儘可作生

涯天邊鴈叫思南北池沼鴛鴦獨戲沙邊樹花芳三五朵秋殘將落一枝

花終知志在逍遙外欲到蓬萊度歲華說着文君信君常省是非要知財

祿盛過鼠自相宜 天怨 天年 天越 此星照命立業早勞心早刑

殺重退神多離青破肉斬指截髮可免刑獄只得退神在命若向松軒竹

檻作一个清閑滿洒之人量為得地在塵勞中末區區碌碌不能遂心

述云 平生多志氣 晚景自逍遙

康節前定數 蒲桃架樓格 詩典分定經同

中枯木逢春晚 乘槎過海月 龍蛇逢馬首 獨步到崑崙

木青龍得水可相依變禍為祥理固宜事際自來能交福安閑享用正當時

男命前定易數 節 三三

衣冠顯異出群宗爭奈憂煩鎖兩拳喜事重重時侍兒光華燁燁事成龍

子 群飛鴻鴈兩三隻開發花枝一二紅堪笑立身微至著善謀猶不與人同

寅 幽谷鶯遷喬木叢巧音高轉關東風春歸園苑花飛謝心掛機權事合同

兩隻鴛鴦飛上下一雙鴻鴈各西東生涯混俗終蘇禍只好眠雲聽鼓鐘

辰 細水長流總赴東幾回枯涸又波洪人緣被禍憂逢火生計成時喜見龍

兩隻飛鴻悲失侶一枝花朵又舒紅莫言變化伊無解爭奈時人無始終

午 曾襟知事未為多過福還成禍折磨猴首正宜施手脚龍頭依舊藉刀戈

飛鴻陣陣成孤隻紫燕雙雙疊舊窠些少甘甜從苦得皇皇汲汲不須呵

申 知事多籌慮又深祿來猶似未堪任猪頭始覺人無慮龍尾須知利可臨

一陣皆飛忘侶鴈五音空撥絕絃琴紅爐殿煉堅精物銷鏹無成似薄金

永樂大典

卷一八七七〇

卷一萬八千七百七十 第二十一頁

戊 回頭莫嘆家懷事獨奮傍無強處親欲識緣雲嶽上起待更蕩業充官身  
雙飛雁侶孤群去一樹花梢兩果春依訝生涯有蕭瑟冷石成得是辛勤

女命  
前定易教 元

三三

子 心機費盡業重新涉水登山火故親一生孤苦何時脫有事紛紜空度春  
情懷悶悶聊問適恩愛未遠木遇人自惜年華還易失每思為計離埃塵

寅 富貴前緣今已定生平立計自精勤終必有人同助力自然成業不勞心  
雙雙鴻鵠遊溪畔兩兩鴛鴦傍浦濱更得鼠羊來問我安心享用福重新

辰 在眾無事多遭榜穩坐幽閑也惹非平生鯁直渾如舊立計堅高未遇時  
良人在鼠須成就故里蓮牛必敗表時充侶箭相催去老却朱顏問阿誰

午 乘馬過橋經險峻問人通顧覺車動問君為事何遲晚亦令圖謀早適人  
奈何時來逢知識可惜情新意轉新且待羊雞歸徑後自然立計儘精神

申 立計甚多憂 愁懷不自由 禍消終一吉 福至即清幽  
魚後情難樂 花殘果不收 安心當守節 萬事莫貪求

戌 志氣立英雄 機謀萬事通 待逢龍虎會 終遇少年翁  
綠水魚同樂 清風鴈火蹤 前程亨泰事 計業儘豐隆

四字金 子 湖平駕設 寅 春鶯出谷 辰 遇井金鱗

午 接竹引泉 申 鑿井無泉 戌 晉多逢日

郭璞數 陽局黃花晚景下稍滋味別 性急經營計較事有一雙人冷看

田多雙鴈 一車雲中 尼支吾自看 經營不日而成若問此限大費

精神 能計較琴人大鈔 一堆錢三田 三山墳墓前面好非潦草問榮

華須限到 一對堂前人不圓 一對征鴻字不聯 一對金魚尋不見 一對

鴛鴦信少緣 風波經過幾多般 往事渾如一夢 問見就暮春風景好

梅花宜向雪中看 生來總被利名牽 費盡精神結得緣 性巧心靈機變

客惺惺伶俐惹憂煎 可惜堂前人失伴 臨春四季青無換 鴈行兩兩怕

分飛忌對秋花腸暗斷 芝蘭早秀不禁霜 移得地桃晚景香回首 蘭房

人寂寂故園愁 見草秋黃 寒谷梅花數 黃金百煉方成寶 紫芝豈是尋常

草 須然大廈與高堂 忒惺惺又煩惱 西風吹盡鴈離群 丹桂月中花不

老 鶴立青松未敢休 雪裏梅花香更早 流年哭泣哭 暗破財 血光

事可笑 可怪為小失大 一事去一事來 防去失更防財 田馬湊危橋步不

不落 花流水恨綿綿 家人冷笑誰先醉 門外傷心恨疊連 今年氣數

涉艱難 浪湧扁舟上急灘 損過財兮人不覺 懺懺憔悴損朱顏 喜不喜

憂不美垂楊樹上生桃李春蘭開闢火三烟一事去來田土忌 秋唧憂  
 生堂上人惹若父子暗傷心驚臺不覺塵生鏡早早修禳免禍侵 蒲酒  
 嘻嘻喜氣生秋風蘭蕙見掀騰玉梅折取春消息重觀長空月再圓 高  
 人暗裏為吹噓到事逢人說事宜靜裏不求財自至文書東北又為奇  
 江夏彭城說事好音一財一喜萬事如心  
 陰局生來為性自和平量窄心焦不受驚照得家山風景好有財有福善  
 支撐 一鴈孤飛防不足惺惺反自生勞碌數交中限便掀騰子貴夫榮  
 人享福 吉星臨命福非常跳過雙山看一場前程數好多成就地上流  
 錢囊滿倉 一身千百事件件關心慮曉了會支吾儘即榮華處 女流  
 年扁舟浪裏暗支撐雪擁藍綉語錯尋社宇恁春春去迷榴花照眼為傷  
 情 洞房無意鏡生塵淚濕香腮不見  
 人牛女登高愁八九桃花樹上柳枝新

永樂大典卷之一萬八千七百七十

割之得哈子 **心腹之疾**

國語吳王夫差既許越成乃大戒師徒將以伐齊申胥進諫曰昔天以越賜吳

而王弗受夫天命有反今越王句踐恐懼而改其謀舍其愆令輕其征賦施民所善去民所惡身自約也裕其衆庶其民殷衆以多甲兵譬越之在

吳也猶人之有心腹之疾也夫越王之不忘敗吳於其心也威然服士以伺吾間法問陳也今王非越是圖而齊魯以為憂夫齊魯譬諸疾疥癬也

豈能涉江淮而與我爭此地哉將必越實有吳土戰國策秦王謂公子他曰日者秦楚戰於藍田韓出銳師以佐秦秦戰不利因轉與楚不固信盟

唯便是從韓之在我心腹之疾吾將伐之何如公子他曰王出兵韓韓必懼懼則可以不戰而深取割王曰善詳趙史記伍子胥傳吳王聞齊景公

死而大臣爭寵新君弱乃與師北伐齊伍子胥諫曰句踐食不重味吊死問疾且欲有所用之也此人不死必為吳患今吳之有越猶人之有腹心

疾也而王不先越而乃務齊不亦繆乎吳王不聽大敗齊師於艾陵詳本傳商君傳鞅說孝公曰秦之與魏譬若人之有腹心疾非魏弄秦秦即

并魏何者魏居嶺阨之西都安邑與秦界河而獨擅山東之利利則西侵秦病則東收地今以君之賢國賴以盛而魏往年大破於齊諸侯畔之可

水樂大典卷三萬三章

二

因此時伐魏魏不支秦必東徙秦因據河山之固東鄉以制諸侯此帝王之業也資治通鑑唐玄宗開元元年十二月姚崇既為相崇假令張說懼

乃潛詣岐王申款他日崇對於便殿行微蹇上問有足疾乎對曰臣有腹心之疾非足疾也上問其故對曰岐王陛下愛弟張說為輔臣而家乘車

入王家恐為所誤故憂之癸丑說左遷相州刺史後晉齊王紀帝既與契丹絕好難召吐谷渾酋長白承福入朝宴賜甚厚承福遣其部落還太

原畜牧於嵐石之境却落多犯法劉知遠與郭威謀曰今天下多事置此屬於太原乃腹心之疾也不如去之關尹子九藥篇金玉難指土石易捨

學道之士遇微言妙行慎勿執之是可為而不可執若執之者腹心之疾無藥可療宋蘇轍集上皇帝書陛下屬精而察之去民之患如除腹心

之疾 **膏肓之疾**

左傳晉侯病求醫於秦秦伯使醫緩為之未至公夢病為二豎子曰彼良醫也懼傷我焉逃之其一

曰居肓之上膏之下若我何醫至曰疾不可為也在肓之上膏之下攻之不可達之不及藥不至焉公曰良醫也厚禮而歸之晉史揮塵王戎性好

興利廣收八方園田水碓周徧天下積實聚錢不知紀極每執牙籌晝夜算計恒若不足而又儉嗇不自奉養天下人謂之膏肓之疾女適裴頠貧



錢數萬。久而未還。女後歸寧。戎色不悅。女遽還。直然後乃歡。從子將婚。戎遣一單衣。婚訖而更責取。家有好事。常出貨之。恐人得種。恒鎖其核。以此獲譏於世。唐柳宗元集。愈膏盲疾賦。晏相於此賦。親書云。膏淺不似柳文。宜去之。或曰。公少作也。景公夢疾膏盲。左傳成公十年。晉景公事尚謂虛假。命秦緩以候問。遂伏身于堂下。伏身一作俯伏。公曰。吾今形體不衰。筋力未寡。子言其有疾者何也。秦緩乃窮神極思。曰。夫上醫療未萌之兆。中醫攻有兆之者。目定死生。心存取舍。亦猶卜和獻合。璞之璧。伯樂相有孕之馬。然臣之過疾。如泥之處。挺張云。考尸地切。地有八地。又和土也。疾之遇良。如金之在冶。雖九竅未擁。四支且安。膚腠營胃。膝骨漆管。胃一本作脫胃。外強中乾。精氣內傷。神沮脉痺。以熱益熱。以寒益寒。針灸不達。誠死之端。巫新參以為識。果不得其所。餐在田也。出左傳成公十年。公曰。固知天賦性命。知彼眩暈。短不足悲。俯不足歡。西彼醫兮。徒精厥術。如何為之可觀。醫乃勃然變色。攘袂而起。于無讓。我我謂於子。我之技也。如石投水。如弦激夫。視生則生。視死則死。膏盲之疾。不救。棄亡之國。不理。巨川將潰。非捧土之能塞。大厦將崩。非一木之能止。斯言足以喻大子。今察乎執是爰有忠臣聞之。憤恚忘寢。廢食擗楹。感歎神音。開採坤小切。生死浩浩。

永樂齋卷之三

三

天地漫漫。綏之則壽。統之則散。善養命者。胎背鶴髮。成童兒。胎音台。魚名也。老人背有胎文。善輔弼者。殷辛夏桀。為周漢。及于村也。非藥曷以愈疾。非兵胡以定亂。喪亡之國。在賢哲之所扶匡。而忠義之心。豈膏育之所羈絆。昔于余能理亡國之利弊。列五言切對之。愈膏育之患。難。君謂之何以醫。曰。夫八紘之外。以音宋。六合之中。始自生靈。及于昆蟲。神安則存。神喪則終。亦猶道之紊也。患出於邪佞。身之憊也。德薄拜切。疾生於大風。彼膏育之與顛覆。匪藥石而能攻者哉。因此而言曰。予今變禍為福。易曲成直。寧關天命。在我人力。以忠孝為干楮。以信義為封殖。拯厥兆庶。綏乎社稷。一言而榮。感退舍。宋景公事。詳見貞符注。一揮而義和匪。吳義和日仰也。魯陽公與韓戰。酣日暮。援戈而揮之。日為之反。三舍出。淮南子。桑救生庭。而自滅。野雉雖昂。而自息。雖古侯切。事並見貞符注。誠天地之無親。曷膏育之能極。醫者遂口噤心醉。喋巨京切。跼歛。茫然跼音句。投素針石。匍匐而前。匍扶蒲。二音。匍音伏。又蒲。坐切。吾謂治國在天子。謂治國在賢治。一本作法。吾謂命不可續。子謂命將可延。詎知國不足理。疾不足痊。佐荒淫為聖主。保天壽。而長年。皆正。直之是與。庶將來之勉旃。

重腿之疾

書林事類傳。郇瑕氏土薄水淺。其惡易。遺於是。

有沉溺重  
腫之疾

類說袁質舊之少子風力俊美不墜家聲始逾志學之年便有清癯之疾昔見其筆

勢通動與  
父直不殊

事林廣記卷八人月疾曰霜露之疾漢公孫弘病篤上書願乞骸骨上報曰君不幸懼

霜露之疾何恙不已今事少間君其存精神止念慮輔

醫藥以自持因賜告牛酒雜帛居數月有瘡昔世視事

東漢書皇后紀序任重道悠利深禍遠身犯霧露於雲臺之上注云霧露

謂疾病也不可指言此故假霧露以言之靈帝時中常侍曹節矯詔遷太后於雲臺謝弼上封事曰伏惟皇太后後立明聖幽

居空宮如有霧露之疾陛下當何面目以見天下

禿鬚之疾

抱朴子內篇劉俗卷若子言不恃他物則宜持肉

治骨以為金瘡之藥煎皮髮髮以治禿鬚之疾耶

譚綺却克之疾謂跋也

禿髮之疾

則有喜也

尸媚之疾

太平廣記葉法善有神術蜀川張尉之妻死而化生僕為夫婦法善識之曰尸媚之疾也

不速除之張尉死矣

投符而化為黑氣焉

速罔之疾

疾

列子有迷罔之疾

張欲逮及嘗激一事而作小賦用精思太劇而主發疹于雲亦言成帝上

甘泉詔召作賦卒暴及倦卧夢其五藏出在地以手收內及覺犬少氣疾

一歲

精思致疾

而古

孟蛇致疾

如蛇宣惡之然不敢不飲其日便得疾云蛇入腹後擗使宣於故處設酒

孟中復有蛇因謂宣此乃壁上弩影耳非有他怪宣遂解甚怡憚

龜樂廣字彥輔為侍中河南尹嘗有親客久闕不復來廣問其故答曰前

在坐蒙賜酒方欲飲見孟中有蛇意惡之既飲而疾于時河南廳事壁上

有角漆畫作蛇廣意孟中蛇即角影也後置酒於前處謂客曰酒中復有

所見不答所見如初廣乃告其所客豁然意解沉痾頓愈

關龍達篇引影致疾一事也風俗

食蛇致疾

通以為杜宣晉史以為樂廣之客

宋史党進傳進為忠武軍節度使一

永樂大典卷萬三十一

四

日歸自外有大蛇卧榻上殺  
水中進怒烹食之遇疾卒。**因拜致疾**  
隋書列傳元德太子昭  
煬帝長子也大業元年

帝遣使者立為皇太子明年朝於雒陽後數月將還京師願得少留帝不  
許拜請無效躰素肥因致勞疾帝令巫者視之云房陵王為祟所憑未幾

而**夢虎致疾**  
天寶遺事周象者好畋獵後為汾陽令忽夢一乳  
虎相通驚而睡覺因茲染疾後有僧海寧者因過

象門謂隣史曰此居有妖氣久則不可救也隣史遂聞於象象召僧令視  
之僧曰當與君禳之遂擇日設壇持劔禹步誦咒自大門而入至於殿所

繞患人數偏而叱之忽於床下作一虎聲家人悉驚奔散  
周象亦不覺自床下伏死於地僧以水噴之須臾如故。**燎丹致**

**疾**  
新唐書武宗賢妃王氏傳帝稍惑方士說欲餌藥長年後沒不豫才  
人每謂親近曰陛下日燎丹言我取不死膚澤消槁吾獨憂之俄而

劇**七情致疾**  
淮南子原道人大怒破陰大喜墜陽許慎曰怒  
者陰氣也陰為堅水積陰相薄故破陰喜者陽  
氣陽升於上積陽相薄故曰墜陽也薄氣發瘡驚  
怖為狂憂悲多患病乃成積好憎繁多禍乃相隨。**酒色致疾**  
和

言行錄先生赴堂食坐中有說召澤民尚書以酒色過度致疾者先生曰  
近時措大讀書而不知孝澤民不是不讀書豈不知孟子謂事親以守身  
為大不能守身則不能事親不能事親則便是不孝孝經言孝之始身體  
髮膚受之父母不敢毀傷今以口體之欲以致廢疾則其毀傷也孰大焉

永樂齋卷萬三十一

五

**愧恨成疾**  
資治通鑑唐代宗廣德二年李光弼在齊州擁兵不  
朝諸將田神功等不復稟畏光弼愧恨成疾已酉薨  
資治通鑑唐穆宗長慶二年三月戊申李光顏所將  
兵聞當留滄景皆大呼西走光顏不能制因驚懼成

**驚懼成疾**  
疾已酉上表因辭橫  
海即乞歸許州許之**哀毀成疾**  
温州府志周忠輔永嘉人性至  
孝母葉氏嘗病癰竭力醫治藥  
必親嘗衣不解帶  
及母亡哀毀成疾

**居廬成疾**  
元史孝義傳邵敬祖父喪廬墓母  
歿不克葬殯于城西敬祖露宿風  
雨不去前後居廬六

**奉使得疾**  
文昌雜錄元英昨充元豐五年  
賀北朝正旦國信使行至神水  
驛苦風眩昏亂不記省隨行小吏輩環坐以泣通一首方稍安是年正旦  
接伴使杜刑部絃至深澤縣界中洛幾不可救劉右司執充賀同天節接

年兩解俱成濕疾

年兩解俱成濕疾

伴使沿路病傷寒至滑州增劇然艾數百肩與以歸嗜酒得疾

後累月方安一歲中奉使者皆得疾危甚殊可怪也

後山設叢祕書丞張錡嗜酒得奇疾中身而

分左常苦寒雖暑月中鞮袍袴紗綿相半

忘傳無忌族叔順德喪息女感疾甚太宗薄之謂房玄

齡曰順德無剛氣以兒女事愛至大病胡足邨未幾卒

淮南馮烈解說林訓憂父之疾者子治之者

醫論語曰父母惟其疾之憂故曰憂之者子

顏術傳術嘗仕後晉為河陽三城節度副使檢校左庶子知州事居半歲

得家問父在青州有風痺疾術不奏棄官去侍疾不復有仕宦意歲餘父

疾不能起術親自

掬天未嘗少倦

化為本訪古跡得王祥卧冰池孟宗泣荀臺皆為築亭又刻唐縣令鞠信

陵文于石俾民知所嚮也邑人朱氏女割股愈母疾人頌傳之以為

治化所致金史溫迪罕幹魯補年十五居父喪不

飲酒食肉廬于墓側母疾割股肉療之疾愈詔以為護衛

心痛知

母疾

南郡新書張志安居鄉閭稱孝差為里正在縣忽稱母疾急白

縣令令問志安曰母有疾志安亦病適患心痛是以知母有疾令

拘之差人獲之果如此說尋奏

侍太子疾

西漢書王褒傳宣帝

時太子體不安苦忽

忽善忘不樂詔褒等皆之太子宮虞侍太子朝

夕誦讀奇文及所自造作疾平迺歸

婦人疾問之不問其疾

續後漢書范滂傳滂于喬

弟並絕人事侍疾家庭聚沒居喪毀瘠眼闕亦不出里邑

後一舉孝廉八薦公府再舉清白異行又舉寒素一無所就

看友人

疾

世說新語荀巨伯

遠看友人疾值胡賊攻郡友人語巨伯曰吾今死

矣子可去巨伯曰遠來相視于今吾去賊義以求生豈荀巨伯所行

邪賊既至謂巨伯曰大軍至一郡盡空汝何男子而敢獨止巨伯曰友人

有疾不忍委之寧以我身代友人命賊相謂曰我輩無義之人而入有義

之國遂班軍而

視士卒疾

事文類聚蓋寬饒為衛尉司馬躬按

行士卒廬室視其飲食居處有疾病

還一郡並復全

視士卒疾

事文類聚蓋寬饒為衛尉司馬躬按

行士卒廬室視其飲食居處有疾病

還一郡並復全

者身自撫循臨問。致醫藥遇之甚恩。**曾子有疾** 論語曾子有疾召門弟子曰。啓子足啓子手而今而後吾知先夫小

子。**伯牛有疾** 論語伯牛有疾子問之。自牖執其手也。曰。牛有惡疾。不欲見人。曰。亡之命矣夫。斯人也。而有斯疾也。

斯人也。而有斯疾也。**昭王有疾** 存心錄魯哀公六年秋七月。楚昭王有疾。卜曰。河為祟。王弗祭。大夫請祭諸郊。王曰。三代命祭祀。不越望。江漢睢漳楚之望也。禍福之至。不是過乎。不穀雖不德。河非所獲罪也。遂弗祭。孔子曰。楚昭王知大道矣。其不失國也。宜哉。

**聲子有疾** 丹府元龜褚師聲子衛大夫。衛侯為靈臺于藉園。與諸大夫飲酒。馬聲子執而登席。古者見君解帶。公怒。辭曰。臣有疾異於人。足有瘡疾。若見之。君將殺之。故臥也。

**晉侯有疾** 白氏六帖晉侯有疾。叔向問于產曰。寡君疾病。卜人曰。實沈臺飴為祟。敢問何神也。子產曰。實沈參神也。臺飴汾神也。二者不及君身。君身則出入飲食衣樂之事。山川星辰之神。又何為焉。

**李廣遇疾** 丹府元龜李廣字弘基。范陽人也。文宣天寶初。欲以為中書郎。遇疾。資產屢空。藥石無繼。廣雅有鑒識。度

量弘遠。坦于無移。為士流所愛。歲時共瞻遺之。賴以自給。竟以疾終。

卧內悉藉茵。穉穉而登。堦侍婢皆笑。**季孫不疾** 家語子貢問柳學大成。孔子適季康子出見之。言終。孔子退。子貢問曰。季孫不疾而問諸侯。禮與。孔子曰。夫禮。君子不有大故。則不宿於外。非致齊也。非疾也。則不晝寢於內。是故夜居於外。晝之可也。晝居於內。雖問其疾可也。

**庾袞無疾** 書林事類庾袞字叔褒。咸寧病。癘氣方盛。父母諸弟皆出於外。袞獨不去。父母強之。袞親自扶持。晝夜不眠。其間又撫柩哀號。不輟。十餘旬。疾勞消渴。家人乃反。毗疾差。袞亦無疾。

**稱疾不行** 史記鄭世家。鄭子產往會高渠彌。相從。祭仲稱疾不行。所以然者。子產自齊。襄公為公子之時。嘗會

闕相仇。及會。諸侯祭仲請子產無行。子產曰。齊疆而厲。公居櫟。即不往。是率諸侯伐我。內厲公。我不如往。往何遽必辱。且又何至是。卒行。於是祭仲

恐齊并殺之。故稱疾。子產至。不謝齊侯。稱疾不朝。西漢書吳王齊侯怒。遂伏甲而殺子產。高渠彌亡歸。

**稱疾不朝** 西漢書吳王齊侯怒。遂伏甲而殺子產。高渠彌亡歸。

稱疾不朝。西漢書吳王齊侯怒。遂伏甲而殺子產。高渠彌亡歸。

稱疾不朝。西漢書吳王齊侯怒。遂伏甲而殺子產。高渠彌亡歸。

稱疾不朝。西漢書吳王齊侯怒。遂伏甲而殺子產。高渠彌亡歸。

吳太子入見得侍皇太子欽博其太子殺之於是遣其喪歸葬吳王慍曰天下宗祀長安即葬長安何必未葬後遣喪之長安葬吳王由是悲望稍稱疾不起兩漢蒙求黃瓊字世英延熹二年梁冀既誅瓊首居公位舉奏州郡素行貪汙

至化徒者十餘人海內由是翕然望之尋而五侯擅權傾動內外自度力不能斥乃稱疾不起四年以寇賊免績後漢書潘濟傳濟字承明漢昭烈

領荆州以濟為治中從事及入蜀留典州事孫權殺關羽并荆土將吏皆歸附而濟獨稱疾遣人以牀就家與致之濟伏面著牀不起涕泣交橫哀

哽不自勝權慰勞與語呼其字曰承明昔觀丁父都停也武王以為軍師彭仲爽中停也文王以為令尹此二人卿荆國之先賢也初雖見囚後皆

擢用為楚名臣卿獨不肯降意將以孤與古人之量耶使親近以手中拭其面濟起下地拜謝即以為治中荆州諸軍事一以諮之東觀漢記王良

以疾歸一歲復徵至蒙陽疾篤不任進道乃過其友人友人不肯見曰不有忠言奇謀而取大位何其往來有肩不憚煩也遂拒之良慙自後連徵

稱疾不出事文類聚程子儀三入翰林意望入兩府頗不憚稱疾不出朝士問候者繼至詢之云虛熱上

永樂大典卷三萬三千一百一十一

攻石中立在生云只消一服清涼散意謂兩府始得用青涼傘也

人歌曰鄧侯挽不李翰蒙求晉唐彬與王渾王濟代未謝今推不去稱疾遲留吳彬據衝要為衆軍前駐自己陵

河口以來諸賊所聚莫不震懼倒戈肉袒彬知孫皓將降未至建鄴二百里稱疾遲留以示不競既而先至者爭功識者高彬此舉

稱疾請留五代歐史李愚傳魏王維茂伐蜀軍行至寶雞相討判官陳又稱疾請留愚厲聲曰陳又見利則進知難

則止今大軍涉險人心易搖正可言行錄鑑張公素新之以徇由是軍中無敢言留者引疾卧家事高宗時秦檜當

國言事不從兩漢蒙求孝平王皇后太司馬莽女也即引疾卧家王后稱疾莽即真以嬰為定安公改皇太后詭為

定安公太后時年十八矣為人姘惡有節操自劉氏廢常稱疾不朝會莽敬憚傷哀欲嫁之乃更號為黃皇室主令成新公孫建世子樣飾將醫往

問疾后大怒詈鞭其傍侍御因發病不肯起莽遂不復進也及漢兵誅莽燒燒未央宮后曰何面目以見漢家自投火中而死

閉門

**稱疾**

續後漢書劉巴傳巴至益州劉璋見之甚喜咨訪政事璋遣法正迎昭烈巴諫曰備雖人也入必為害若使討張魯是放虎於山林也璋不聽巴閉門稱疾昭烈攻成都令軍中曰有客巴者誅三族昭烈定益州巴辭謝昭烈不責

**上封事稱**

**疾**

續後漢書董扶傳永康元年日食詔舉賢良方正之士策問得失左馮翊趙謙等舉扶扶以疾不克詣遂於長安上封事遂稱疾篤歸家

前後宰府十辟公車三徵再舉賢良博士有道皆不就名稱尤重

**軍敗稱疾**

資治通鑑高宗永隆元年中書令檢

校鄆州都督李致玄軍既敗屢稱疾請還上許之既至無疾詣中書視事上怒貶衡州刺史

**累表稱疾**

資治通鑑

後周紀樞密使王峻性輕躁多計數好權利喜人附己因見帝進用舊時將佐心嫉之累表稱疾求解機務以調帝意帝遣左右慰勉令視事

**恃才托疾**

東漢書符融傳漢中晉文經梁國黃子父恃其才智生門問疾猶不得見三公所辟召者輒以詢訪之隨所臧否以為子奪融察其非真乃到大學并見李膺曰二子行業無聞以豪傑自置遂使公卿

永樂查卷萬言十一

九

問疾王臣坐門融恐其小道破義空際連實顧待察焉二人由是名論漸衰賓徒稍省旬日之間慙嘆逃去後果為輕薄子並以罪廢融由此益知名

**親老托疾**

東漢書謝該字文儀仕為公車司馬令以父母老託疾去官欲歸鄉里會荊州道斷不得去

**惡弟托疾**

晉書王戎族弟敦有高名戎惡之敦每候戎報託疾不見敦後果為逆亂其鑒賞先見如此

之

**官辭疾**

東漢書楊倫傳陽嘉二年徵倫拜太中大夫因出補常山王傳病不之官詔書勅司隸催促發遣倫乃留河內朝駭以疾自上曰有留死一尺無北行一寸刎頸不易九裂不恨匹夫所執攬於三軍固敢有辭帝乃下詔曰倫出幽升高寵以藩傳猶留王命攬止道路託疾自從苟肆猜志

**上疏辭疾**

事文類聚晉皇甫謐自號玄晏先生有風痺之疾不應辟

召後武帝下詔敦逼謐上疏力辭曰臣抱蒙休養軀半不仁十有九歲竟不仕

**累表辭疾**

資治通鑑居懿宗咸通五

年嶺南節度使韋宙且知康承訓所為以書白宰相承訓亦自疑懼累表辭疾乃以承訓為右武衛大將軍分司

**辭疾不**

**起**

新唐書在胤傳崔胤居華時為全忠歡畫醜計全忠引兵運屯河中胤迎謁謂橋奉觴為全忠壽自歌以酬酒會茂貞殺全誨等與全忠

約和帝急召之墨詔者四朱札三皆辭疾

**辭疾不入**

石林燕語國初貢舉法未備公卿子弟多艱於進取蓋恐其請

託也范杲嘗公之兄子見知陶穀實儀皆待以甲科會有言世祿之家不當與寒俊爭科名者遂不敢就試李內翰宗諤已過省以文正為相唱名辭疾不敢入亦被照

文正罷相方再登科

**伏羲制疾**

羅泌路史後紀伏羲察六氣審陰陽以貴之身而四時水火陸

降得以有象百病之理得以有類於是嘗草治疴以制民疾而人滋信

**趙王避疾**

兩漢蒙求曹王字叔陵拜趙相

趙王尚嘗欲避疾便時移住學宮至不聽王乃上疏自言詔書下至王奏曰臣聞禮諸侯薨於路寢大夫卒於嫡室死生有命未有逃避之典也

學宮傳五帝之道脩先王禮樂教化之處王欲廢塞以廣游燕事不可聽詔從王言王以此憚之

**管輅占疾**

續

漢書管輅傳注華城門夫人者魏故司空涿郡盧公女也得疾連年不差華家時居西城下南纏里中三廡在其東南輅卜當有師從東方來自言

永樂大典卷二萬三百十一

十

能治使聽使之必得其力後無何有南征麻陽當充甲卒未詣虛公言能治女郎公即表請留之專使其子將詣華氏療疾初用散藥後復用丸治

尋有效即奏除賜名以補大醫

**醫生呪疾**

羅泌路史發揮伊尹無廢立事篇世有醫生善呪疾者語人曰吾能易爾

腸胃更爾系絡則疾可為也然人無肯效其身其難信也

**石虔愈疾**

書林事類類聚石虔為人勇壯時有患瘡者

呼桓石虔以怖之疾者多愈

**醫和視疾**

國語平公有疾秦景公使醫和視之醫和曰疾不可為也為治也

遠男而近女遠男傳述女色惑以生蠱惑於女以生蠱疾非鬼非食惑以長志疾非鬼神亦非飲食生於淫惑以喪其志良臣不生天命不祐祐助

也良臣捐軀去不生將死若君不死必失諸侯趙文子聞之曰武從二三子二三子皆請帥以佐君為諸侯盟主於今八年矣內無苛虐諸侯不二

苛項也愚忌也子胡曰良臣不生天命不祐對曰自今之謂從今以此和聞之曰直不輔曲明不規闇古文子不能以明且規輔平公之闇曲使至

淫惑拱木不生危拱木大小也危高險也松栢不生墾墾下濕也以言文子不人存吾子不能諫惑使至於生疾又不自退而寵榮也其政八年之



謂多矣。已為多也。何以能久。文子曰：醫及國家乎？對曰：上醫醫國。其法  
 或。是為醫國。其次疾人。國醫官也。官猶職官。文子曰：子稱盛。何實生之。對  
 曰：盛之患。殺之飛。實生之。患。惡也。言。盛之為。為。害。于。嘉。故。為。之。飛。是  
 類。生。盛。疾。物。莫。伏。於。盛。盛。莫。嘉。於。殺。伏。黃。也。嘉。善。也。殺。與。盛。伏。而。章。明。者  
 也。殺。及。也。則。盛。伏。藏。其。不。朽。盛。而。人。食。之。章。明。之。道。也。故。食。殺。者。盡。選。男  
 德。以。象。殺。明。選。擇。有。德。者。而。親。近。之。以。象。人。之。食。殺。而。有。德。明。也。宵。靜。女  
 德。以。伏。盛。應。祥。安。也。伏。去。也。言。夜。當。安。女。之。有。德。者。以。禮。自。節。以。去。已。盛  
 害。之。疾。言。盛。言。殺。猶。女。害。男。今。君。一。之。一。直。衣。也。是。不。饗。殺。而。食。盛。也。盛  
 前。也。是。不。昭。殺。明。而。血。盛。也。器。器。之。為。盛。作。器。而。受。也。夫。文。盡。血。為。盛。吾  
 是。以。云。文。字。也。文。子。曰。君。其。幾。何。對。曰。若。諸。侯。服。不。過。三。年。不。服。不。過。十  
 年。諸。侯。服。則。事。於。也。過。是。晉。之。殃。也。過。十。年。若。源。之。禍。及  
 國。是。歲。也。趙。文。子。卒。諸。侯。叛。晉。規。晉。從。楚。十。年。平。公。薨。 太后視

**疾** 遼史聖宗紀統和元年春正月丙寅荆王道隱 公主不視  
 有疾詔遣使存問是日皇太后幸其邸視疾

**疾** 類說幽閏鼓吹宣宗萬壽公主駙馬鄭尚書之弟凱有危疾上使日  
 之四問公主視疾否曰在慈恩寺看場戲上曰我妮店大夫不與我

永樂大典卷萬三皇

十一

為親良有以也。君主責曰：豈有小  
 郎病乃就有他處乎。立遣歸宅。 遣醫視疾  
 宋史范純仁傳純  
 仁患日疾徽宗遣

中使賜茶藥後又許歸養疾帝每見輔臣問安  
 否乃曰范純仁得一識面足矣遂遣上醫視疾 乘驛視疾  
 東漢

室傳永平元年東海恭王疆病顯宗遣中常侍鈞看令將  
 大醫乘驛視疾詔沛王輔濟南王康等俱詣曾視疾 穿壁視

**疾** 續後漢書呂蒙傳蒙疾發權時在公安迎置內殿所以治護者萬方  
 募封內有能愈蒙疾者賜千金時有加減權為之慘感欲數見其顏

色又恐勞動常穿壁瞻之見小能食則喜顧左右言笑不然則吐惜夜不  
 能寐病中疹為下赦令群臣畢賀後更增萬權自臨視命道士於星辰下

為之請命年四十二遂 馬上視疾  
 遼史方技傳直魯古吐谷渾  
 卒於內殿權哀痛甚 人初太祖破吐谷渾一騎士

棄索反射不中而去及追兵聞索視之中得一嬰兒即直魯古人也因所  
 俘者問其故乃知射索者嬰之父也世善醫雖馬上視疾亦知標本意不

欲于為人所 隔紗視疾 求  
 遼史送臣傳送里特字海隣神于  
 得欲殺之耳 醫視人疾若隔紗觀物莫不悉見

# 入視疾

澠水燕譚錄嘉祐中仁宗已不豫久不御殿宰臣亦不得見富文忠公求入視疾內侍以公未有詔旨止之公叱之

曰安有宰相一日不見天子遂趨入見因乞監侍祈禱留宿殿中自是事無巨細皆白執政而後行上下晏然

## 辭帝視疾

晉書杜夷傳元帝以夷為祭酒夷辭疾未嘗朝會帝欲詣夷夷陳萬乘之主不宜往庶人之家帝乃與夷書曰吾與足下雖情在忘言然虛心虛戴正以足下羸疾故欲相省寧論常儀也又除國子祭酒

## 樂正子春視疾

公羊傳昭公十九年樂正

子春之視疾也優加一飯則脫然愈後損一飯則脫然愈後損一飯則脫然愈

## 外舍視疾

漢

書和熹皇后紀后有疾特令后母兄弟入視醫藥不限以日數后言於帝曰宮禁至重而使外舍久在內省外舍外家上令陛下有章松之譏下使賤妾獲不知足之誚上下交損誠不願也帝曰人帝親視疾皆以數人為榮責令反以為憂深自抑損誠難及也

## 帝親視疾

西漢書蕭何疾惠中自問云君若不幸誰可代君何舉曹參書林事類張禹每疾輒以起居聞車駕自臨問上親拜牀下禹頓首謝恩於牀前拜少

永樂大典卷之三十一

十二

子官禹曰臣有一女受甚於男遠嫁張掖太守蕭育不勝父子私恩願與相從即徙育為弘農太守 包咸為大鴻臚以論語授帝后病親輦駕視之漢制叢錄程方進傳注引漢舊儀云丞相有疾皇帝法駕親至問疾從四門入蕭何病傳云上親自臨視何疾張禹病傳云車駕自臨問之以此東漢書桓榮為帝師后病帝親問入門下車執經趨拜修弟子禮 宗室傳時更始降於赤眉社乃奔洛陽是時宗室唯社先至光武見之喜甚建武二年封為城陽王十一年社疾病上城陽王璽綬願以列侯奉先人祭祀帝自臨其疾社薨謚曰恭王續後漢書曹真傳真病還雒陽帝自幸其第省疾 北史魏安定王休寢疾帝幸其第流涕問疾中使醫藥相望於路新唐書封倫傳太宗立倫拜尚書右僕射實封六百戶貞觀元年遭疾卧尚書省帝親臨視命尚書送第卒年六十贈司空謚曰明 魏徵疾甚帝親問疾屏左右語終日乃還后復與太子至第徵加朝服抱紳帝悲慙拊之流涕將以衡山公主降其子時主亦從帝曰公強視新婦舊唐書隱太子建成傳建成與元吉謀行配毒引太宗入宮夜宴既而太宗心中暴痛吐血數升淮安王神通狼狽扶還西宮高祖幸第問疾因勅建成秦王素不能飲更勿夜聚 裴邑王神符傳神符自觀初再還宗正卿後以疾

辭職太宗幸其第問疾賜以繡帟每給羊酒 奉文本傳文本加銀青光祿大夫為中書令時太宗將代遼凡所籌度一皆委之文本受委既深神情頓竭言辭舉措頗異平常太宗見而愛之謂左右曰文本今與我同行恐不與我同返及至幽州遇暴疾太宗親自臨視撫之流涕尋卒宋朝類苑邢昺嘗被疾請告真宗親臨問賜藥一奩銀器千兩綵千匹國朝故事非宗戚將相問疾臨奠帝不親行惟昺與郭贊以恩持用此禮儒者榮之邢止問疾邢止復臨喪續通鑑長編仁宗天聖二年丁酉再幸資聖禪院視中國大長公主報慈正覺大師疾 天聖三年司徒兼門下侍郎同平章事冀國公王欽若既兼譯經使始赴傳法院感疾亟歸車駕臨問賜白金五千兩 仁宗慶曆六年東平郡王德文晚被足疾不能朝然天性畏謹疾革仁宗親臨視以太醫所調藥進之

**登閣望疾** 資治通鑑唐玄宗天寶十一載李林甫時已有疾憂懣不知所為巫言一見上可小愈上欲就視之左右固諫上乃令林甫出庭中上登降聖閣遙望以紅巾招之林甫不能拜使人代拜

**賜詔問疾** 類要李衛公李元疾唐太宗賜親詔曰有晝夜視公疾太老嫗今一人來吾欲熱知公起居狀權文公視此詔常泣曰君臣之

際乃如是耶新唐書王誼傳誼初名謨時尚父郭子儀病篤帝臨軒遣謨持詔往視誼冠遠游冠御絳袍乘象輅四馬飛龍士三百國府官皆修稽以從子儀于叩頭謝恩

**鑿墻問疾** 新唐書房玄齡疾甚帝命鑿苑墻以便候問

**酒肉問疾** 小說紫雲求孫述矯偽庸劣每食先拜而後就坐食畢優拜將寢則拜床牀覺後拜乘馬不施銜勒垂釣不設解凡所為種種類此從子侯得疾危篤父方節母蕭氏對之泣下述候之命左右取酒肉令俱進之人莫識其意或問之答曰禮不云乎有疾

飲酒 **枉駕問疾** 奕夏英公疎時居相位者移疾在告疎白于上資治通鑑唐太宗貞觀十六年特進魏徵有疾

枉駕 **手詔問疾** 上手詔問之且言不見數日朕過多矣今欲自往恐益為勞君有閑見可封狀進未徵上言此者弟子陵師奴婢忽主下多輕上皆有為而然漸不可長又言陛下臨朝常以至公為言退而行之未免私僻或畏人知橫加威怒欲蓋彌彰竟有何

益 **遣太子問疾** 徵宅無堂上命輒小殿之材以構之五日而成

資治通鑑唐太宗貞觀四年三月恭成公杜如晦疾篤上遣太子問疾又自臨視之及薨上每得佳物輒思如晦遣使賜其家類要馬周病消渴彌年不瘳時駕幸翠微宮勅求勝地為周起宅召醫中使相望不絕每令尚食以膳供之太宗躬為調藥皇太子親臨問疾

遣使

問疾

北史程駿傳駿病孝文文明太后遣使者更問其疾賜以湯藥隋書高頊傳上幸并州留頊居守及上還京賜縑五千匹復賜

行宮一所以為莊舍其夫人賀拔氏寢疾中使顧問絡繹不絕上親幸其第賜錢百萬絹萬匹復賜以千里馬宇文述傳述於江都遇疾中使相望帝將親臨視之群臣苦諫乃止遂遣司官魏氏問述曰必有不諱欲何所言述二子化及智及時並得罪于家述因奏曰化及臣之長子早預藩邸願陛下哀憐之帝聞泣然曰吾不忘也及薨帝為之廢朝贈司徒尚書令十郡太守班劍四十人輜輶車前後部鼓吹詔曰恭續通鑑長編仁宗天聖元年馮拯罷為武勝節度使檢校太尉兼侍中判河南府極自還京疾益甚仁宗遣使諭以亮陰不免問疾賜白金五十兩拯叩頭稱謝

奏請問疾

宋史程願傳帝嘗以瘡疹不御適英累日願詣宰相問知否且曰上不御殿太皇不當獨坐且人主有疾

臨候問疾

晉書載記高瞻光熙中調補尚書郎永嘉之亂還鄉里與

大臣可不知乎翌日宰相以下始奏請問疾

叔父隱率數千家北徙幽州乃依崔法慈與三國謀伐虜也瞻因諫必不從及法奔敗瞻與眾降于虜虜署為將軍瞻稱疾不起虜敬其姿器數臨候之撫其心曰君之疾在此不在餘也今天子播越四海分崩蒼生紛擾莫知所係孤思與諸君匡復帝室翦鯨鯢于二京迎天子於吳會廓清八表俾勳古烈此孤之心也孤之願也君中州大族冠冕之餘宜痛心疾首枕戈待旦奈何以華夷之異有懷介然且大禹出于西羌大壬生于東夷但問志畧何如耳宜以殊俗不可降心乎瞻仍辭疾篤虜深不平之

庾亮問疾

晉書吳猛傳庾亮為江州刺史嘗遇

疾聞猛神異乃迎之問已疾何如猛辭以算盡請具棺服旬日而死形狀如生未及大斂遂失其尺楫者以為亮不祥之徵亮疾果不起

將

佐問疾

資治通鑑昭宣帝天祐二年九月楊行密長子宣州觀察使涯素無令譽軍府輕之行密殺疾命節度判官周隱性

恣直對曰宣州司徒輕易信讒喜擊毬飲酒非保家之主餘子皆切未能駕馭諸將廬州刺史劉威從王起細微必不負王不若使之權領軍府俟

諸子長以授之。行審不應左右牙指。使徐溫張顛言於行審曰：王平生出萬死，買夫石為子孫立基業，安可使他人有之？行審曰：吾死瞑目矣。他日將佐問疾，行審目留幕寮，嚴可求衣出。可求曰：王若不諱，如軍府何？行審曰：吾命周隱召，淫今忍死待之。可求與徐溫詣隱，隱未出，見牒，允在案上。可求即與溫取牒遣使，者如宣州召之行審。親朋問疾，呂東萊辨以潤州團練使王茂章為宣州觀察使。志錄世間

大有病人，親朋故舊交遊來問疾，其人曾不經一事，未請一方，自躬了了。詐作明能，談說異端，或言是虛，或道是實，或云是風，或云是蟲，或道是水，或云是疾，紛紜謬說，種種不同，破壞病人心意，不知孰是。延延未就，時不待人，剗然致禍，各自散走。是故大頭好人及好名醫，識病深淺，探賈方書，博覽古今，是事明解者，看病不備，大誤人事。孫思邈十全方。

### 坐門問疾

東漢書符融傳：時漢中晉文經、梁國黃子而問其疾。艾並侍其才智，炫曜上京，卧託養疾，無所通接。浴中士大夫好事者，承其聲名，坐門問疾，猶不得見。詳本傳。

### 募醫問疾

吳中舊事：朱冲微時家貧，後生理日

益進以行不檢，兩受徒刑。既擁資交結，權要然亦能以濟人為心。每春夏之交，即出錢米藥物，募醫官數人，巡門問貧者之疾，從而調之。

### 醫問疾

王性之默記晏元獻自西京以久病請歸京師，留真講進病既革，上將臨問之，甥楊文仲謀謂：凡問疾，大臣者車駕

既出，必勞紙錢，蓋已膏肓，或遂不起，即以吊之，免萬乘再臨也。遂奏：臣病稍安，不足仰煩臨問。仁宗然之，實久病，忌勞真禮以行。然後數日即薨。故歐公作神道碑言：明年正月，疾作不能朝。初，太醫朝夕視，有司除道，將幸其家，公歎曰：吾無狀，乃以疾病憂吾君，即奏：臣疾少間，行愈矣。乃止。丁亥，以公薨，聞上以不即視，公為恨，蓋此意也。

### 內臣問疾

元史：鐵歌傳奉命詣萬安寺祀世祖感疾，歸皇太后，令內臣問疾。鐵歌附奏曰：臣死無日，願太后

### 皇帝問諸王疾

政和五禮新儀

前期有司於受勞問者之第，大門外設使者次，又於庭中望闕設受勞問者位。使者位於受勞問者之左，使者至，贊者引入。次，使者及受勞問者皆公服。贊者引使者立於門西，東向。引受勞問者立於門東，西向。史二人以案奉詔書，立於使者之南。贊者曰：拜。受勞問者再拜。贊者引受勞問者入，跪望闕

位主史捧詔書案前行使者從之入就庭中位贊者贊使者指笏取詔書  
執笏加詔書于笏上史以案退使者稱有詔受勞問者再拜使者宣詔書  
訖受勞問者又再拜贊者引使者及受勞問者少前相向各俛伏跪指笏  
使者以詔書授受勞問者訖各執笏受勞問者加詔書于笏上各俛伏興  
復位贊者曰拜受勞問者再拜贊者引使者歸次受勞問者  
乃入若受勞問者疾未聞不能親受則子弟代受如上儀

### 皇帝

### 問帝姬疾

政和五禮新儀以內給事一人為使者前期有司於  
受勞問者之第大門外設使者次又於寢庭望闕設

受勞問者位使者位於其前少北南向使者至內侍引入次使者服公服  
女侍引受勞問者朝服出詣望闕位立內侍引使者出次給使二人以案  
奉詔書前行使者從之入就庭中位內侍贊使者指笏取詔書執笏加詔  
書于笏上給使捧案退使者稱有詔內侍曰拜受勞問者再拜宣詔又再  
拜女侍進詣使者前受詔書退授受勞問者訖內侍曰拜受勞問者再拜內  
侍引使者歸次受勞問者乃入若受勞問者疾未聞不能親受則以女侍  
迎攝受詔書如上儀以

### 中宮問諸王疾

政和五禮新儀以  
內給事一人為使

者前期有司於受勞問者之第大門外設使者次又於庭中設受勞問者  
位北向使者位南向使者至贊者引入次使者及受勞問者皆公服贊者  
引使者立於門西東向引受勞問者立於門東西向給使二人以案奉令  
書立於使者之南贊者曰拜受勞問者再拜贊者引受勞問者入就庭中  
位給使捧令書案前行使者從之入就庭中位贊者贊使者指笏取令書  
執笏加令書于笏上給使捧案退使者稱有令受勞問者再拜讀訖又再  
拜贊者引使者及受勞問者少前相向各俛伏跪指笏使者以令書授受  
勞問者訖各執笏受勞問者加令書于笏上各俛伏興復位贊者曰拜受  
勞問者再拜贊者引使者歸次受勞問者乃入若  
受勞問者疾未聞不能親受則子弟代受如上儀

### 中宮問帝姬

### 疾

政和五禮新儀以內給事一人為使者前期有司於受勞問者之第  
大門外設使者次又於寢庭少北設使者位南向受勞問者位北向

使者至內侍引入次使者公服訖女侍引受勞問者朝服出詣庭中位內  
侍引使者出次給使二人以案奉令書前行使者從之至庭中位內侍贊  
使者指笏取令書執笏加令書于笏上給使以案退使者稱有令內侍曰  
拜受勞問者再拜讀訖又再拜女侍進詣使者前受令書退授受勞問者

內侍曰拜受勞問者再拜內侍引使者歸次受勞問者乃入若受勞問者疾未聞不能親受則以女侍迎攝受令書如上儀以所受令書詣寢閣候

### 之東宮問諸王疾

政和五禮新儀前期所司於受勞問者之第大門外設使者次又於庭中設受

勞問者位西向使者位東向使者至贊者引入次使者及受勞問者皆公服贊者引使者立於門西東向引受勞問者立於門東西向二人以案奉令書立於使者之南贊者曰拜受勞問者再拜贊者引受勞問者入就庭中位立史捧令書案前行使者從之入就庭中位贊者贊使者稽首取令書執笏加令書于笏上史以案退使者稱有令贊者曰拜受勞問者再拜使者讀訖受勞問者又再拜贊者引使者及受勞問者少前相向各伏跪揖贊使者以令書授受勞問者訖各執笏受勞問者加令書于笏上各伏受勞問者疾未聞不能親受賜于弟代受如上儀

### 東宮問帝姬疾

政和五禮新儀以內給事一人

為使者前期有司於受勞問者之第大門外設使者次又於寢庭西階下設使者位東向受勞問者位西向使者至內侍引入次使者公服訖女侍

永樂大典卷萬三千一

七

引受勞問者朝服出詣庭中位立內侍引使者出次給使二人以案奉令書前行使者從之至庭中位內侍贊使者稽首取令書執笏加令書于笏上給使以案退使者稱有令內侍曰拜受勞問者再拜請訖受勞問者又再拜女侍進詣使者前受令書退授受勞問者訖內侍曰拜受勞問者再拜內侍引使者歸次受勞問者乃入若受勞問者疾未聞不能親受則以女侍迎攝受令書如上儀以所受令書詣寢閣受之若皇太子於諸王中雖疾從家人親屬之禮連進侍勞問則受勞問者侍之亦從家人之禮不升進拜送與授受之儀

### 問宗戚大臣

### 疾

宋會要國朝之制諸王公上宗室將軍以上每疾皆乘輿臨問如小疾在假或乘輿幸其第有至三四者其官即在禁中多不時而往惟

車輔使相駙馬都尉疾至幸其第或賜榮加禮及非此例者皆備載之太祖建隆元年五月八日幸宰臣魏仁滿第視疾七月十四日幸宰臣范質第視疾賜黃金器二百兩銀器千兩絹二千匹八月八日再臨視賜錢百萬乾德四年四月二十五日幸駙馬都尉高懷德第問燕國長公主疾六年四月一日建雄軍節度使趙彥徽來朝有疾帝幸其第臨問賜錢五百萬開寶二年二月二十一日幸侍衛親軍馬軍都虞侯彭國軍節

永樂大典

卷二〇三一一

度使張廷翰第視疾。十一月三日。鎮寧軍節度使張令鐸。未朝被疾。帝幸其第臨問。賜帛五千匹。銀五千兩。又賜其家甚厚。十二月十日。幸中書視軍臣趙普疾。三年。三月十九日。幸趙普第視疾。賜銀器五千兩。絹五千匹。又賜其妻和氏。銀器二千兩。衣着二千匹。先是正月。幸普第視疾。至是再幸焉。四年。四月六日。幸永興軍節度使吳廷祚第視疾。七月三十日。以建武軍節度使何繼筠。未朝疽發背。帝幸其第。賜資甚厚。五年。十二月十二日。幸皇弟開封尹光美第。以足疾臨視。十三日。再臨視。太宗太平興國三年。五月二十一日。以殿前指揮使楊信久病瘠。慈能言。帝異之。遣幸其第。厚加賜養。四年。八月二十七日。幸武功郡王德昭第視疾。五年。八月二十五日。幸淮海國王錢徽第視疾。賜白金萬兩。錢百萬。絹萬匹。黃金千兩。子惟濟。惟治。白金各萬兩。六年。八月一日。彰德軍節度使滄州總管李漢瓊。被病召還京師。帝親視之。賜白金萬兩。十一月八日。樞密使楚昭輔。以足疾請告。帝幸其第臨問之。觀所居湫隘。賜白金萬兩。令以市宅。昭輔被病。周歲家居。亦不求解職。會郊祀罷。為左驍衛上將軍。八年。四月三十日。幸樞密使石熙載第視疾。端拱二年。四月二十一日。幸宰相趙普第視疾。淳化元年。三月二十一日。以西京留守趙

永樂大典卷三十一

七

普被疾。不任朝謁。帝臨省之。十一月十五日。幸涇國公元偁宮視疾。十八日。幸許王元僖宮視疾。三年六月六日。天雄軍節度使劉延翰。被病表求解官。有與還京師。帝臨幸其第。撫問之。賜白金萬兩。至道二年三月一日。幸晉國公主第視疾。咸平元年六月九日。幸駙馬都尉王承衍第視疾。十二月五日。幸許國長公主第視疾。二年閏三月四日。再臨視。二年閏三月四日。幸左武衛將軍德惠第視疾。五月二十四日。幸樞密使曹彬第視疾。賜白金萬兩。子杲。藥以賜之。十二月二十四日。車駕駐天雄軍。幸宣徽北院使周瑩宅所視疾。三年正月六日。幸樞密副使宋湜所居視疾。湜危。從駐天雄軍。得疾。特憂恤之。仍令先還京師。賜御衾褥一副。又遣內侍護送。供帳優厚。至澶州而卒。三十日。幸太子太保呂端第視疾。端以久疾罷相。居京師。帝思之。故臨問焉。十月十七日。幸雍王元份宮視疾。十二月十二日。四年四月二十四日。六年三月十八日。景德元年。十二月二十四日。二年正月七日。三月十八日。五月十二日。六月七日。七月二日。七月二十四日。二十九日。三十日。八月一日。再臨視。四年正月八日。幸殿前都指揮使河西軍節度使范廷召第視疾。六年二月十九日。幸北宅右羽林將軍德閔院視疾。三月二十五日。幸安定



郡公惟吉宮視疾。大中祥符九年九月二十日。二年七月十六日。十二月十五日。二十四日。三年五月一日。再臨視。四月十九日。宰相呂蒙正。暴中風眩。帝即時臨問。賜白金五千兩。真宗景德元年六月六日。幸魯國長公主第視疾。賜錢百萬。繒絲二千匹。又幸北宅視右羽林將軍德欽疾。賜白金三百兩。七月四日。幸寧王李沆第視疾。二年正月二十四日。幸山南東道節度使李繼隆第視疾。三年二月一日。幸北宅視樂平郡公德恭疾。五月十六日。再臨視。九月二十三日。幸寧王元僊宮視疾。大中祥符元年九月十一日。四年四月二十二日。八年三月五日。天禧二年二月二十一日。二十九日。四月二十四日。閏四月十一日。十四日。二十日。五月一日。再臨視。十二月二十四日。幸北宅視右羽林將軍德鈞疾。四年五月二十三日。幸舒王元僊宮視疾。九月二十四日。大中祥符元年四月十日。十二月二十四日。三年六月十八日。八月六日。四年四月九日。五年正月十四日。六年四月二十四日。九月一日。十一月二十四日。七年三月十九日。二十六日。再臨視。舊制每歲三月。金明池習水嬉。以備遊豫。帝以元僊疾特罷臨賞。大中祥符元年五月十八日。幸南宮視右羽林將軍惟能疾。二年九月二十四日。幸晉國公主第視疾。十月十七日。

永樂大典卷三百四十一

十九

十一月十八日。再臨視。三年閏二月二十八日。幸韓國長公主第視疾。三月四日。九月六日。再臨視。三月十六日。幸駙馬都尉石保吉第視疾。前一日保吉疾亟。帝將臨視之。會翌日大忌。輔臣言於禮非便。遂遣內侍以諭保吉。至是始臨省焉。六月二十五日。幸翰林侍講學士禮部尚書刑弼第視疾。賜白金千兩。帛千匹。名藥一奩。又召其子太常博士知東明縣仲寶。國子博士知信陽軍仲恩。視疾。並許馳驛赴闕。賜以善恩。故特用此禮。儒者榮之。九月二十日。幸資聖院視吳國公主疾。四年五月十八日。幸北宅視右羽林將軍德存疾。賜白金五百兩。錢五十萬。八月五日。幸南宮視左千牛衛將軍惟叙疾。九年四月二十七日。樞密使同中書門下平章事陳堯叟。以足疾屢請告。帝臨視之。五月十日。幸南宮視資州團練使惟憲疾。天禧元年七月二十三日。幸駙馬都尉魏咸信第視疾。九月十一日。幸太尉旦第視疾。賜白金五十兩。旦命家人還獻所賜。作奏畢。自益四句云。益懼多威。况無所用。見謀散施。以息咎殃。亟令昇至。內閣有詔不許及門。旦已薨云。二年四月二十四日。宣徽南院使知樞密院馬知節。以病足。久在假。帝臨視。賜白金五千兩。三年七月十三日。幸殿前都指揮使忠武軍節度使曹璨第視疾。仁宗天聖七年正月二十七日。幸

參知政事魯宗道第視疾留賜白金三千兩。八年九月十五日幸樞密副使晏邊第視疾賜錢帛有差。九年八月二十八日幸馮翊郡公德大第視疾賜錢百萬絹五千匹。明道二年七月十三日幸駙馬都尉柴宗慶第視疾。景祐五年八月三日幸駙馬都尉李遵勗第視疾。慶曆三年十二月八日刑王元儼疾帝幸其第親臨卧内手自調藥屏人語久之所對多忠言賜白金五十兩辭不受再三教諭又固辭曰臣竊德不能支且死重廢國家不為少帝嗟泣從之。六年五月二十二日東平郡王德文有疾帝臨視親以太醫所調藥進之。八年六月二十六日參知政事明鑄疽發背帝謂鑄忠亮有勞欲及其未乳一往見之既至惻然曰方頗卿謀國事而遽有此疾鑄氣已索猶能頓首稱謝。十月六日幸彰信軍節度使同中書門下平章事李用和第視疾皇祐二年七月十一日再臨視。皇祐三年正月十二日幸魏國大長公主第視疾初主病日遣内侍扶太醫診視為禱禱之法無不至自皇后貴妃以下偕至第候門進拜用家人禮奉藥進主甚恭車駕臨幸侍者掖主迎立帝命主先坐設御座于西主固辭乃移榻東南御因親臨主目左右皆感泣帝亦悲愴復顧問子孫所欲主曰豈可利母病而邀賞邪資白金三千兩辭不

永樂大典卷三十一

手

受帝因謂從臣曰太主之疾儻可移於朕亦不避也因命寢門垂薄使從臣問候又募天下能醫者授以官秩賜御書金字大悲千手千眼菩薩又賜玉石金字太宗謚皆以祝疾祈福也。嘉祐元年五月七日幸樞密使王貽永第視疾時貽永以疾求退手詔存問遣太醫診視車駕臨問頒禁中珍藥及面取糜粥以食之貽永自言寵祿過盛願罷樞密使兼侍中還第帝與其愈乃聽罷侍中改彰德軍節度使同平章事而樞密使如故。神宗熙寧二年四月九日幸參知政事唐介第視疾。閏十一月四日幸楚國大長公主第視疾。哲宗紹聖元年二月十四日幸徐王第視疾。徽宗崇寧五年十一月十一日幸棗華宅視陳王疾。真宗景德三年七月十一日忠武軍節度使高瓊病亟將幸其第省視輔臣曰瓊雖久掌禁兵備守宿衛然未嘗臨戎破敵非威名將也且車駕臨問國家異禮所以待功臣也施之於瓊恐無以視戮別乃止。仁宗慶曆四年五月十六日汝南郡王母潤王太子李氏病甚車駕欲臨省之詔問禮官以夏至大祠致齋不宜問疾乃止。神宗熙寧七年十二月十八日詔頒新式凡臨幸問疾者賜銀絹半段及樞密使帶使相者使侍中充樞密使用半車馬二千五百兩足樞密使使相二千足兩知樞密院事參知政事樞密副使

同知樞密院事。一千五百兩足。金書。樞密院事。同金書。樞密院事。宣徽使。七百五十兩足。殿前都指揮使。一千五百兩足。駙馬都尉任使。相以下者。二千五百兩足。任節度觀察留後以下者。一千五百兩足。並入內侍者。取賜。高宗皇帝紹興二十五年十月二十一日。車駕幸大帥尚書左僕射益國公秦檜第問疾。

# 永樂大典卷之二萬三百十一

永樂大典卷之二萬三百十一

十一

# 永樂大典

卷二〇三五三

重錄總校官侍郎 臣陳以勤

學士 臣王大任

分校官修撰 臣丁士美

書寫儒士 臣章伯輝

圖照監生 臣馬宗孝

臣包道第

永樂大典卷之二萬三百五十三 二質

席 詩文二

元張伯雨詩天柱山暑飲即席次玄圃真人韻。酒地晚移席。開林涼進風。玄蟬有逸響。青山皆妙容。時將何物並。興與竹林同。沉醉非我事。政須時一中。雲外席間懷。鐵笛簡草堂。花朝無花也。可憐桃李矜。持不作妍。爛聽雨聲眠。白晝夢乘艇。子上青天。閑居庶尚浮雲志。老病難趨卜夜筵。絳帳先生唯寂寞。後堂自理琵琶弦。草堂詩集姚文兵和張伯雨雲林席間韻。曲句先生世所憐。新詩字字總青妍。楚江祇漫聽春雨。蜀土那知有洞天。樹隔青山迎好客。華開白日照芳筵。高居更憶雲林子。自送冥鴻揮五弦。耶律鐸雙溪醉隱集西園席上調元子不至。白玉堂前白日長。滿前鶯燕語如簧。那知沈飲非荒宴。待與揚鞭問葛疆。又席上。習飲醉鄉拋浩劫。葆真靈液反天和。方知世上閑滋味。元比神仙不較多。彩雲行兩陽臺暮。羅機生塵洛浦秋。飛起一雙花上蝶。晚風吹上玉搔頭。西園席上招雪皮裕上人。山光搖蕩入簾櫳。酒漾歌雲暖玉融。煙柳

永樂大典卷之二萬三百五十三

一

翠涵深院雨。露花香濕滿樓風。自從愁陣持旂節。擬與詩兵紀戰功。借問飄零斷腸客。為誰幽獨卧蓮宮。任松鄉集周震卿席上得生字。白日多候狀。長風散陰晴。山疎木初落。海澗秋未清。水深見碧漢。故路漢沙平。神宮看雷谷。下索異物精。轉步覺率下。愁僧有中瓶。天人儼相對。我獨塵中行。歸途日在樹。酒杯邀同傾。葉子忽到坐。慰此頃刻情。醉懷有許闊。樂事更一揮。樽中莫遣盡。我欲罰湖生。葉伯幾席上得是字。達人愛秋好。秋氣入中裏。仰看水天橫。俯視天在水。遠山見蒼蒼。近樹立孤倚。滄江一帆落。空冥个鴻起。覽之尊姐間。清勁乃如此。所以達人胸。常有秋萬里。酒醉一吐之。秋光在筆紙。盈虛撫天時。得失固物理。萬事指為薪。百年風射耳。達哉誠吾俠。一醉姑舍是。趙常父席上得權字。丈夫心事比江海。傲風不足生波瀾。胡為日日飲我酒。欲以壯語相攻鑽。我初學人事。即已毒宴安。十行九坐今潦倒。七出八落空瀾灑。武功無亮政未易。臨邛有客吾何言。秋風忽掃鳳巢去。再還如許有此肝。未嘗終當避魯縞。故袍應未忘范寒。武夷青山觸不折。我始赤脚投魚竿。非君酒醜有謬誤。政自磊塊不可利。魯酒薄。蘭酒丹。東隣新釀菊未乾。塲頭風雨主更起。百錢為我拚此歡。追賦趙子實席上分韻。得常字并序。酒無聲韻律也。然達人君子